

Inatsisissatut siunnersuummut oqaaseqaatit

Oqaaseqaatit nalinginnaasut1. Aallaqqaasiut

Aningaasanik peqquserluutinik malunnarunnaarsaasarnermi iluanaarniuteqarneq pinerliiniarnernullu aningaasalersuineq pinaveersaartinniarlugit iliuuserisassat pillugit inatsimmik aalajangersaasoqassasoq siunnersuutigineqarpoq (aningaasanik peqquserluutinik malunnarunnaarsaasarneq pillugu inatsit).

Aningaasanik peqquserluutinik malunnarunnaarsaasarnernut malittarisassat maannamut killilersorneqarnikuupput aningaasanik peqquserluutinik malunnarunnaarsaasarnernik akiuiniarneq pillugu inatsimmik Kalaallit Nunaannut peqqussutikkut (aaqqiissut), taamaammaallu aningaaserivinnut namminersorlutik oqartussanut attuumassuteqanngitsunut atuulluni. Peqqussutikkut taamanikkut qallunaat aningaasanik peqquserluutinik malunnarunnaarsaasarnermik akiuiniarneq pillugu inatsisaat Kalaallit Nunaanni atuutsinneqarpoq (inatsit nr. 348, 19. Juni 1993-imeersoq). Qallunaat aningaasanik peqquserluutinik malunnarunnaarsitsiniarnermik akiuiniarneq pillugu inatsisaat aningaasanik peqquserluutinik malunnarunnaarsaasarnermik akiuiniarneq pillugu aalajangersakkamik nr. 91/308/EUF-imik atuutilersitsineruvoq.

Danmark 2006-imi aningaasanik peqquserluutinik malunnarunnaarsaasarnermik akiuiniarneq pillugu nutaamik inatsisitaarpoq (inatsimmik nalunaarut kingulleq nr. 806, 06/08/2009-meersoq takuuk), taassumuunalu aningaasanik peqquserluutinik malunnarunnaarsaasarneq pinerliiniarnernullu aningaasalersuineq pinaveersaartinniarlugit iliuuserisassat pillugit aalajangesakkat ilaat atuutsinneqarput – aningaasanik peqquserluutinik malunnarunnaarsaasarnermik akiuiniarneq pillugu aalajangersakkat pingajuat (matuma kingorna taaneqartartussa q ”aalajangersagaq” (nr. 2005/60/EF)). Inatsimmiipput aamma pinerliiniarnernik aningaasalersuisarnermut akiuiniarnermi iliuutsit, atuuffialu annertusineqarluni aningaaseriviit saniatigut inunnt suliffeqarfinnullu allanut.

Aningaasanik peqquserluutinik malunnarunnaarsaaneq pitsaaliorniarlugi iliuusissat pillugit inatsit Kalaallit Nunaannut aaqqiissut suliffeqarfinnut aningaasarsionermik sammisaqartunut taamaallaat atuummat, suliaminnik ingerlatsineri namminersorlutik oqartussat susassarinnngisaanni, Financial Action Task Force on Money Laundering (FATF) aamma EU-kommissionen malillugit, sammisami naalagaaffiup inatsisaanut atuuttumut ilapittuutissanik Kalaallit Nunaanni Namminersorlutik Oqartussat

aningsaanik peqquserluutiniq iluanaarniuteqartarneq pinerliinianiillu
aningsaalersuisarneq pitsaaliorniartugit iliuusissaniq namminersuutigalugu
iliuserisassaniq atuutsitsisariaqalernera pisariaqartoq.

Aningsaasarsiornermik sammisaqarnerup nakkutigineqarnerata aqqissuussaana
eqqarsaatigalugu siunnersuut aqutigalugu Kalaallit Nunaata Danmarkillu akornanni
attuumassuteqarnerup allanngortinneqarnissaa siunertarineqanngilaq.

Inatsisissatut siunnersuut pinerluttulerinermi inatsimmut Kalaallit Nunaannut
atuuttumut attuumassuteqarppoq, immikkut inatsisiliaalluni pinerliiniarnernik
aningsaalersuinernut atatillugu mianersuaalliornikkut (toqqaannangitsumik)
iliuuseqarnerit inatsisilik unioqqutitsinerit suliarineqartussaallutik, taamatullu
assinganik ilisimallugu siunertaqartumik (toqqaannartumik iliortut) iliortut
eqqarsaatigalugit, pinerliiniarnernik sammisaqartunik aningsaalersuineq pillugu
pinerluttulerineq pillugu inatsisip § 30-at malillugu inatsisilik unioqqutitsinerullutik.

FATF suleqatigiiffiuvoq 1989-imi nunat G-7-imik taaneqartartut pilersissimasaat.
Suleqatigiiffittut kattuffik 40-t missaannik ilaasortaqqarpoq, tamakkununga
Danmark ilaalluni, taassumalu siunertaraa aningsaanik peqquserluutiniq
malunnarunnaarsaaneq akileraartarnikkullu akileraarutiniq akiliinngitsoortarnerit
akiorniarneri, tamakkulu saniatigut aningsaasaqarnikkut sammisaqarnermi
pinerliinianiut akiuunnissamut inassutiginnittarnernik suliarinnittarneq.

Taamaalilluni inatsisissatut siunnersuutikkut qallunaat aningsaanik
peqquserluutiniq malun-narunnaarsaasarnermik akiuiniarneq pillugu inatsisaat
suliffeqarfimmut Kalaallit Nunaanni Namminersorlutik Oqartussanit
oqartussaaffigineqartunut atuutilersinneqarpoq. Inatsisissatut siunnersuummi
siunertaavoq aningsaanik peqquserluutiniq malunnarunnaarsaasarnermik
pinerliinianiillu aningsaalersuisarnerup pinaveersaartinneqarnissaannut iliutsinik
sakkortusisanik piumasaqaateqarnissaq, taakkulu ullumikkut peqqussummi ersipput.
Tamanna aningsaanik peqquserluutiniq malunnarunnaarsaasarnermik aammalu
pinerliinianiut aningsaalersuisarnermik akiuiniarnermi iliutsit
ingerlateqqinnissaannut atatillugu pivoq.

Pinaveersaartitsiniarluni iliutsit suliassaqarfimmi susassaqarfiusuni tamani
atorneqarnissaat qulakkeerniarlugu inatsisissatut siunnersuutip atuuffiani
suliffeqarfiit inuillu aningsaanik nunat allat aningsaasaannut nuutsitsisarnermik
imaluunniit aningsaalersuinikkut, atukkiisarnermik taarsigassarsitsisarnermillu
inuussutissarsiteqartut, illunik tuniniaanermi akunnermiliuttartut aamma
suliffeqarfimmut kiffartuussinernik neqerooruteqartartut pineqartunut ilaatinneqarput.
Taaguut kingulleq § 3, nr. 5-imi nassuiarneqarpoq, ilaatigullu inuit suliffeqarfiillu
suliffeqarfimmut sumiiffimmi angerlarsimaffittut/nalunaarsorsimaffittut
najugaqarfimmi allanillu attaveqarfigineqarsinnaasunik atugassiisartut (soorlu
akunnittarfiit allaffeqarfittut atorneqartut) ilaatinneqarlutik. Aammattaaq pinik
tigussaasunik nioqquteqartartut aningsaanngorlugit 100.000 kr.-nik
taakkuninngaluunniit amerlanerusunik akiliiffigineqartarnissaat
inerteqqutigineqassasoq siunnersuutigineqarpoq (aningsaanik tiguinnarissanik
akiliinissamik inerteqqut).

Inatsisissatut siunnersuummi immikkoortut ilaanni suliffeqarfiit inuillu aalajangersaavigineqartut sullitaminnik ilisimasaqarnissaat sakkortusisamik piomasaaqatigineqarpoq. Tamanna pingaartumik suliffeqarfiit piginnittuiniik nakkutilliinikkut sunniteqartunik ilisimasaqarnissaat kiisalu inunnik naalakkersuinikkut aarlerinartut taaneqartunik eqqumaffiginninnerunissaq eqqarsaatigalugit atuuppoq. Tamatumunngali peqatigitillugu sullitat tunisassiallu erseqqinnerusumik nalunaarsorneqartut eqqarsaatigalugit sullitanik ilisimasaqarnissamik piomasaaqat atuutissanngitsaq siunnersuutigineqarpoq. Taamaalilluni sullitanik ilisimasaqarnissamik inatsisissatut siunnersuummi piomasaaqat inatsimmut atuuttumut sanilliulluni aarlerinarsinnaasunik tunngaveqarnermik aallaaveqarneruvoq.

Taammattaq siunnersuutigineqarpoq nalunaarutiginninnissamut pisussaaffiliisoqassasoq, taamaalilluni suliffeqarfiit inuillu aalajangersaaffigineqartut Aningaasanik Peqquserluutininik Malunnarunnaarsaasarnermut Allattoqarfimmuut nalunaaruteqarfigisassavaat, aningaasanik nuussineq pinerluttulerineq pillugu inatsimmi unioqqutitsinerusaq pasitsaanneqarpat, aamma suliffeqarfiit inuillu aalajangersaaffigineqartut pasitsaassippata aningaasanik nuussineq immikkut inatsimmi unioqqutitsinermut attuummasuteqartoq. Nalunaarutiginnittussaataaneq inatsisissatut siunnersuutikkut unioqqutitsinermut ukioq ataaseq sinnerlugu parnaarussinermik pineqaatissiissutigineqarsinnaasunut killissalerneqarpoq.

Kiisalu inuit suliffeqarfiillu inatsimmi pineqartut aningaasanik peqquserluutininik malunnarunnaarsaasinnaasunik nakkutiginninnissaat inatsisissatut siunnersuutikkut atuutilersinneqarpoq. Nakkutilliinermut tassunga ilaatillugu inuit suliffeqarfiillu pisortaat pissutsit pineqaatissiissutigineqarsinnaasut atorfiup sulinerulluunniit toqqissisimanartumik isumagineqarsinnaanerani aarlerinartorsiortitsisumik eqqartuunneqarsimasuunnginnissaannik nalunaarsuinissamik siunnersuummi piomasaaqateqartoqarpoq.

Aalajangersakkami aningaasanik peqquserluutininik malunnarunnaarsaasarnernik pinerliiniarnernillu aningaasalersuinermik akiuinissamik inassuteqaatit nutarsakkat ilarparujussui ilangunneqarput, taakkulu Financial Action Task Force on Money Laundering-ip (FATF-ip) juni 2003-mi akuerisarai. Danmarkip FATF-imi ilaasortaanerani Kalaallit Nunaat ilaavoq, taamaattumillu inassuteqaatit taaneqartut malissallugit pisussaaffeqarluni. Aalajangersakkap taassuma aningaasanik peqquserluutininik malunaarunnaarsaasarnermik akiuiniarneq pillugu aalajangersakkat marluk siusinnerusumeersut peqqussutikkut atulersinneqarsimasut atorunnaarsippai. Tamatuma saniatigut FATF-ip pinerliiarniartarnernik aningaasalersuisarnernik akiuiniarneq pillugu immikkut inassuteqaatai, pinerliiniarluni 11. september 2001-imi saassussinermut atatillugu akuerineqartut inatsisikkut atulersinneqarput.

Pinerliiniatarnernik aningaasalersuisarnerup akiorneqarnera

Pinerliiniarnernik aningaasalersuisarnerup akiorneqarnera pillugu FN-ip isumaqatigiissutaa 1999-imeersoq Danmarkip 25. september 2001-imi atsiornikkut akueraa. FN-ip isumaqatigiissutaa malillugu aningaaseriviit suliffeqarfiillu allat aningaasalersuinermi aningaasanik nuussisarnermi akuusut pisussaaffilerneqarput

aningaasanik nuussinerit pisariusut nalinginnaanngitsumillu amerlassusillit aningaasanillu nuusseriaatsit nalinginnaanngitsut aningaasaqarnikkut imaluunniit inatsisit malillugit siunertaqarsorinannngitsut nunami oqartussaasunut pisinnaatitaasunut nalunaarutigissallugit.

Aammattaaq FN-ip Isumannaallisaanermut Siunnersuisoqatigiivisa pinerliiniartarnej akiorniarlugu aalajangersagaa (1373) tunngavigalugu inunnut pinerliiniarlutik iliuuseqartunut imaluunniit pinerliiniarnissamik siunertaqartunut pinerliiniarluniluunniit iliuuserineqartuni peqataasunut aningaasanik atugassiissuteqartarnissaasa inerteqqutiginnissaanut naalagaaffiit pisussaaffilerneqarput.

Peqqussummi nutaami tassani pinerliiniarnernik akiuiniarluni iliuutsit aalajangersarneqarput, taakkunanilu ilaatigut ilaapput pisut aningaasat inatsisinik unioqqutitsinani pissarsiarineqarsimasut pinerliiniarnernut aningaassaliissutitut atornerarannik pasitsaassiviusut. Aningaasanik peqquserluutinik malunnarunnaarsaasarneq akimorlugu, inuit suliffeqarfiillu pinerliiniarnernik aningaasalersuineramik pasitsaassitillugit taamaallaat Aningaasanik Peqquserluutinik Malunnarunnaarsaasarnermut Allattoqarfik isumaqatigiissuteqarfigalugu kontomit inummilluunniit pineqartumit aningaasanik nuussisoqarsinnaavoq.

FATF-ip inassuteqaatai nutartikkat aamma Aningaasanik peqquserluutinik malunnarunnaarsaasarnernik akiuiniarneq pillugu aalajangersakkat pingajuat

Financial Action Task Force on Money Laundering tassaavoq naalagaaffiit akornanni suleqatigiiffik, nunat G-7-inik taaneqartartut suliniuteqarnerisigut 1989-imi pilersinneqartoq. Siunertaasoq tassaavoq aningaasanik peqquserluutinik malunnarunnaarsaasarnernik pinerliiniarnernillu aningaasalersuineramik akiuinerup ineriartortinneqarnissaa suliniutinillu siuarsaasoqarnissaa. Kunneqarfik Danmark suleqatigiinneq pilersinneqarmalli suleqatigiiffimmi ilaasortaavoq.

FATF-ip pinerliiniarnernik aningaasalersuineramik akiuiniarluni suliniutit annertusineqarnerannut ilaasumik pinerliiniarnerillu akiorneqarnissannik 2001-imi immikkut inassuteqaasiornermigut kaammattuutini 40-sut junimi 2003-mi nutarsarpai. Inassuteqaatini taakkunani aningaasanik peqquserluutinik malunnarunnaarsaasarneq kisimi pineqanngilaq aammali pinerliiniarnernik aningaasalersuineq akiorniarlugu suliniutit aamma ullumikkut ilaatinneqarput.

Inassuteqaatinik nutarterineq pingaartumik FATF-ip aningaasanik peqquserluutinik malunnarunnaarsaasarnerni pinerliiniarnernillu aningaasalersuisarnerni periutsit nutaat ineriartortinneqarnerannik misilittagaanik tunngaveqarpoq. Taamaalluni inassuteqaatini pingaartumik isiginiarneqarput inuit inatsisilerinerimi immikkoortutut isigineqartut aamma inatsiseqartitsinerimi aaqqissuussinerit allat aningaasanik unioqqutitsinikkut pissarsiarineqartunik il.il. piginnittuusunik isertuusiniarnermi atornerqartut. Taamaattumik inassuteqaatinik 40-nik taakkuninnga allannortiterineq sullitanik ilisimasaqarnissamik immikkuualuttulersugaanerusunik piunasaqaateqarnermut pingaartumik sunniuteqarpoq.

FATF-ip inassuteqaataasa nutartikkat 40-t ilarpassui aalajangersakkap ilannguppai, taamaalillutik taakku nunat tamat akornanni aalajangersakkat EU-mi assigiissaartumik atornerqalerlutik. Aningaasanik peqquserluutinik malunnarunnaarsaasarnermik akiuiniarneq pillugu aalajangersakkap siulliup aamma aalajangersakkap aappaata suliarineqarneranni taamaalilluni siunertaasimavoq aalajangersakkat taakku suliaasaqarfimmi tassani nunat tamat akornanni aalajangersakkanut naapertuuttuunissaat, matumani pingaartumik FATF-ip immikkut kaammattuutai ilanngullugit eqqarsaatigalugit. Taamaalilluni aalajangersagaq taanna aamma tassaavoq FATF-ip kaammattuutaasa 40-t juni 2003-meersut nassatarisatut kingunerisaat.

2. Inatsisip imarisai

Inatsisip atuuffia

Inatsisissatut siunnersuummi inatsisit atuuffia tassaavoq peqqussutip atuuffigisaanik annertunerusutigut ingerlatitseqqinneq. Peqqussummi massakut atuuttumi suliffeqarfiit Namminersorlutik Oqartussanit aalajangersaavigineqartut piumasagaateqarfigineqarput. Peqqussut massakut atuuttoq aamma allangortiterneqarpoq, taamatuttaarlu inuit suliffeqarfiillu manna tikillugu pineqartunit amerlanerusut ilaatilissallugit. Pinaveersaartitsiniarluni iliuutsit suliaasaqarfimmi susasaqarfiusuni tamani atornerqarnissaat qulakkeerniarlugu inatsisissatut siunnersuutip atuuffiani suliffeqarfiit inuillu aningaasanik nunat allat aningaasanut nuussisarnermik, aningaasaliiffigineqarluni atukkiusisarnermik, taarsigassarsisitsisarnermik inuussutissasiutigalugu suliaqartut, illunik tuniniaanermi akunnermiliuttartut aamma suliffeqarfimmut kiffartuussinernik neqerooruteqartartut ilaatinneqarput. Taaguut taaneqartoq kingulleq § 3, nr. 5-imi nassuiarneqarpoq, ilaatigullu inuit suliffeqarfiillu suliffeqarfimmut sumiiffimmi angerlarsimaffittut najugaqarfimmi attaveqarfigineqarsinnaasunillu atugassiisartut (soorlu akunnittarfiit allaffeqarfittut atornerqartut) ilaatinneqarlutik.

Allaffissornikkut nammatassat oqilisarneqarnissaat siunertaralugu pinik tigussaasunik nioqquteqartartut aningaasanik tigorianaannarnik 100.000 kr.-nik taakkunangaluunniit amerlanerusunik tigusinermi inatsimmi sullitat kinaassusiinik uppersaanissamik paasissutissanillu il.il. toqqortarinnittarneq pillugu piumasagaatini pineqartunut ilaatinneqanngillat. Tassunga taarsiullugu siunnersuutigineqarpoq pinik tigussaasunik nioqquteqartartut aningaasanik tigorianaannarnik 100.000 kr.-nik taakkunangaluunniit amerlanerusunik akiliiffigineqartarnerannik inerteqqut atulersinneqassasoq.

Sullitanik ilisimasaqarnissamik piumasagaat

Aalajangersakkap kiisalu FATF-ip inassuteqaataasa nassatarisaannik inatsisissatut siunnersuutikkut suliffeqarfiit inuillu inatsimmi pineqartunut ilaatinneqartut sullitaminnik ilisimasaqarnissaannik piumasagaatit sakkortusisat eqqunneqarput. Sullitap kinaassusiata uppersarneqartarnissaannik piumasagaatip saniatigut sullitap tigussaasumik piginnittuisa nakkutilliinikkut siunniuteqartut (piginnittunut)

annertunerusumik ilisimaneqarnissaannik sakkortusisamik piumasaaqateqarneq nassataraa, tassa sullitaaq suliffeqarfiuppat. Aammattaaq inuit suliffeqarfiillu inatsisissatut siunnersuummi pineqartunut ilaatinneqartut niueqatigiinnikkut attaveqaaqatigiinnerup siunertaa annertussusialu pillugit paasissutissanik pissarsiniartassapput, taamaatuttaarlu sullitamut tunngasoq ingerlaavartumik nakkutigineqartassalluni. Inatsisissatulli siunnersuummi aarlerinartunik naliliineq aallaavigalugu kinaassutsimik uppersaasoqartarnissaanut aamma periarfissiisoqarpoq, taamaalilluni sullitanik ilisimasaqarnissamik piumasaaqatit taakkuusut pisuni tamarmiunngitsoq piumasaaqataalersillugit.

Pisuni aalajangersimasimasuni sullitanik ilisimasaqarnissamik piumasaaqatit immikkut sakkortusiat atuupput, pisuni aalajangersimasuni aningaasanik peqquserluutunik malunnarunnaarsitsiniarnermik imaluunniit pinerliiniarnernik aningaasalersuinermik pisuni taakkunani immikkut ittumik aarlerinartorsiortitsisoqarsinnaaneramik naliliineq aallaavigalugu. Sakkortusisamik piumasaaqat taanna ilaatigut sullitanut nunani allani najugaqartunut naalackersuinikkullu qaffasinnerusumik atorfeqartunut atorfeqarsimasunulluunniit, imaluunniit sakkutooqarnermi qaffasissumik inissisimasunut inissisimasunulluunniit atuuppoq. Taakku inatsisissatut siunnersuummi inuttut naalackersuinikkut aarlerinartumik inissisimasutut taaneqarput.

Inatsisissatut siunnersuut aammattaaq sullitat, tunisassiat aningaasanillu nuussinert aningaasanik peqquserluutunik malunnarunnaarsaasinnaanerat pinerliiniarnernillu aningaasalersuisinnaanerak aarlerinanginneruffigisaattut nalilerneqartut erseqqinnerusumik taaneqartut eqqarsaatigalugit sullitanik ilisimasaqarnissamik piumasaaqatit atuutinnginnissaannut periarfissiivoq. Inatsisissatut siunnersuut aamma piumasaaqatit immikkut ittut atuutsillugit kinnaassuseq il.il pillugit paasissutissanik pingajuusutut inissisimasumit pissarsiarineqarsimasut atorfeqarnissaannut periarfissiivoq.

Sullitanik ilisimasaqarnissamik sakkortusisamik piumasaaqatit aamma sullitanik ilisimasaqarnissamik piumasaaqatit atuutsinneqannginnissaannut periarfissat tassaapput aalajangersakkap FATF-illu kaammattuutaasa nassatarisaat.

Eqqumaffiginninnissamut nalunaarutiginninnissamullu pisussaaffeqarneq

Inatsisissatut siunnersuummi inuit suliffeqarfiillu inatsimmi pineqartunut ilaatinneqartut eqqumaffiginninnissaminnut ataatsimut pisussaaffilerneqarput. Pisussaaffik tassaavoq suliffeqarfiit inuillu inatsimmi pineqartunut ilaatinneqartut aningaasanik nuussinernik nalinginnaanngitsunik aningaasanik peqquserluutunik malunnarunnaarsaasarneq pinerliiniarnernillu aningaasalersuisarneq eqqarsaatigalugit naliliiffiginnittarnissaat. Tamatuma nassataraa sullitap ingerlataasa immikkut qanoq ittuussusertik pissutigalugu aningaasanik peqquserluutik malunnarunnaarsaaneranut imaluunniit pinerliiniarnernik aningaasalersuineranut attuumassuteqarsinnaanerannik suliffeqarfiit inuillu inatsimmi pineqartunut ilaatinneqartut ataatsimut isigalugu eqqumaffiginninnissaat.

Aningaasanik peqquserluutinik malunnarunnaarsaasoqartoq imaluunniit pinerliiniarnernut aningaasalersuisoqartoq pisumi pasitsaanneqarpat inuit suliffeqarfiillu inatsimmi pineqartunut ilaatinneqartut nalunaarutiginninnissamut pisussaaffeqarneranni aningaasat pinerluttulerinermik inatsisip kiisalu immikkut inatsisip unioqqutinneqarneratigut pissarsiarineqarsimanerannik pasitsaassineq aammattaaq ilanngullugu annertusisinneqarpoq. Nalunaarutiginnittussaataaneq inatsisissatut siunnersuummi pisunut inatsimmik unioqqutitsinernut ukioq ataaseq sinnerlugu paarnaarussaannermik pineqaatissiissutigineqarsinnaasunut killissalernerqarpoq.

Allannguutit taakku aalajangersakkap aamma FATF-ip inassuteqaataata nassataraat.

Nakkutilliineq kiisalu suliffeqarfinnik nalunaarsuineq

Inatsisissatut siunnersuutikkut inunnik suliffeqarfinnillu inatsimmi pineqartunut ilaatinneqartunik tamanik aningaasanik peqquserluutinik malunnarunnaarsaasarneq eqqarsaatigalugu nakkutilliinissamik piumasagaat atulersinneqarpoq, pineqartut inatsimmik eqquutsitsinerisa qulakkeerneqarnissaat siunertaralugu. Nakkutilliinissamut piumasagaammut ilaasutut inatsisissatut siunnersuummi piumasagaataavortaaq suliffeqarfiit nalunaarsorneqarnissaannik piumasagaat. Suliffeqarfiit nalunaarsorneqarnissaannik piumasagaammut atatillugu tamatumunngalu peqatigitillugu suliffeqarfiit taakku pisortaasa pissutsit pineqaatissiissutigineqarsinnaasut atorfiullu suliffiulluunniit toqqissisimanartumik isumagineqarsinnaannginneranik nassataqartut pillugit eqqartuussaasimasuunnginnissaannik piumasagaateqartoqarpoq.

Allannguutit taakku aalajangersakkap aamma FATF-ip inassuteqaataata nassataraat.

3. Pisortanut aningaasaqarnikut allaffissornikkullu kingunerisassai

Aningaasaqarnikkut allaffissornikkullu pisortanut annikitsuaraannarsuarmik kinguneqarnissai nalilerneqarpoq. Nalunaarsuutit nutartertarnerisa malitsigisaannik aningaasartuutit kiisalu maalaaruteqartoqartassappat sulianik samminnittarnernut aningaasartuutit periarfissat atuutereersut iluanni aningaasalersorneqartarnissaat naatsorsuutigineqarpoq. Aningaasarsiornermik sammisaqarnerup nakkutigineqarnerani Kalaallit Nunaata aamma Danmarkip akornanni aaqqissuussinikkut allannguuteqartoqarnissaa siunnersuutip siunertarinngimmagu, ataatsimoortumik tapiissutit siunnersuummit kalluarneqartussaanngillat.

4. Inuussutissarsiornermut aningaasaqarnikkut allaffissornikkullu kingunerisassai

Inuussutissarsiornermut aningaasaqarnikkut allaffissornikkullu taamaallaat killeqartorujussuarmik kinguneqarnissaa nalilerneqarpoq.

5. Innuttaasunut aningaasaqarnikkut allaffissornikkullu kingunerisassai

Innuttaasunut aningaasaqarnikkut allaffissornikkullu kinguneqassanngitsoq naliliisoqarpoq.

6. Avatangiisinut pinngortitamullu kingunerisassai

Siunnersuut avatangiisinut pinngortitamullu kinguneqassanngitsoq naliliisoqarpoq.

7. Naalagaaffeqatigiinnerup Namminersorlutillu Oqartussanut akornanni attuumassuteqarneq

Siunnersuutip Naalagaaffeqatigiinnermi Namminersorlutik Oqartussat inatsisiliornerat naleqqussaffigai.

8. Oqartussaasunut suliniaqatigiiffinnullu/kattuffinnullu tusarniaaneq

Siunnersuummi saqqummiunneqartut ukununga tusarniaassutigineqarsimapput:

KANUKOKA, Kalaallit Nunaanni Sulisitsisut Peqatigiiffiat, Kalaallit Nunaata Eqqartuussivia, Deloitte, Kalaallit Nunaanni Kukkunersiuisoqarfik, GrønlandsBanken, Nuuk Sparbank, If Forsikring Kalaallit Nunaat, Codan Forsikring Kalaallit Nunaat, PFA Soraarneq aamma Finanstilsynet.

Tusarniaanermi taamaallaat akissutit marluk takkussimapput, oqaariaatsitigut erseqqissaassutit ataasiakkaat pillugit oqaaseqaatertalinnik. Tamakku siunnersuummi ilanngunneqarput.

Inatsisissatut siunnersuummi aalajangersakkat ataasiakkaat pillugit oqaaseqaatit

Kapitali 1 pillugu

§ 1 pillugu

Inatsisip atuuffia § 1-imi aalajangersakkami aalajangersarneqarpoq. Aalajangersakkap taassuma aalajangersakkami artikel 2, tak. artikel 3 (1) aamma (2) piviusunngortippai.

Inatsisissatut siunnersuummi ersippoq suliffeqarfiit inuillu suut inatsimmi pineqartunut ilaatinneqarnersut, taakkulu sapinngisamik annertunerpaamik tamakkiisuutinniarnepart.

Aalajangersakkami artikel 2 (2), tak. artikel 3 (2) (a) aalajangersakkami *nr. 1-imi* piviusunngortinneqarput, tassanilu suliffeqarfiit inuillu aningaasanik nunat allat aningaasaannik taarsiisarnermik inuussutissarsiutigalugu suliaqartut pineqartunut ilaatinneqarput.

Suliassaqrarfiup ”inuussutissarsiutigalugu”-tut nassuiaateqarfigineratigut erseqqissarneqarpoq iliuitsit immikkuullarinnerusut iliuitsilluunniit atorfeqartitaasup atorfeqarfigisaata avataaniittut inatsimmi pineqartunut ilaatinneqanngitsut.

Aalajangersakkami artikel 2 (2), tak. artikel 3 (2) (a) aalajangersakkami *nr. 2-imi* piviusunngortinneqarpoq, tassanilu attartortitsisarnermik ingerlatseqatigiiffiit suliffeqarfiillu taarsigassarsisitsisarnermik inuussutissarsiutigalugu ingerlataqartut, soorlu niuernikkut taarsigassarsisitsisartut, pineqartunut ilaatinneqarput. Taarsigassarsisitsisarnermik suliaqarneq, ilaatigut atuisunut taarsigassarsisitsisarneq, sanaartornermut taarsigassarsisitsisarneq aamma factoring diskonteringilu Namminersorlutik Oqartussat suliassaqrarfiginngimmagit taarsiullugu siunnersuummi nutaamik aaqqissuusiinikkut naleqqussarneqarlutik.

Aalajangersakkatut siunnersuummi *nr. 3-mi* illunik tuniniaanermi akunnermiliuttartut pineqarput. Inuit suliffeqarfiillu taamatut sulinermut qanittumik suliaqartut aalajangersagassatut siunnersuummi *nr. 4-mi* pineqartunut ilaatinneqarput, inuk suliffeqarfilluunniit pineqartoq aalajangersakkani allani pineqartunut ilaatinneqanngippat.

Taaguutip ”inuussutissarsiutigalugu” *nr. 1-imi* taaneqartup pissuseqataatut paasineqassaaq. Taamaaliornikkut erseqqissarneqarpoq ataasinnaanerusumik iliuitsit taaguutip atorneqartup avataaniittut. Aamma iliuitsit atorfinitsitaanermi suliassarisat avataanniittut, assersuutigalugu eqqiaasup angerlarsimaffimmiluunniit ikiortip akiligassanik akililiinerni ikiuunnera oqariaatsip pineqartup avataanniippoq.

Aalajangersakkami tassani *nr. 5* suliffeqarfinnut kiffartuussinernik neqerooruteqartartunut tunngasoq aalajangersakkami artikel 2-mik (3) (c), tak. artikel 3 (7), piviusunngortitsineruvoq. Suliffeqarfiit kiffartuussinernik neqerooruteqartartut suunerat inatsisissatut siunnersuummi § 3, *nr. 5-imi* nassuiarneqarput. Aalajangersagaq taanna pillugu oqaaseqaatit innersuussutigineqarput.

Aalajangersakkami *imm. 2-p* manna nassataraa, tassalu pinik tigussaasunik nioqquteqartartut inatsisip atuuffiani pineqartunut ilaatinneqarnerat. Inatsisissatut siunnersuut pinik tigussaasunik nioqquteqartartut aningaasanik tigorianaannarnik 100.000 kr.-nik taakkunangaluunniit amerlanerusunik akiliuteqarfigineqartarnissaasa inerteqqutigineqarneranik imaqarpoq.

Siunnersuutigineqarpoq pinik tigusaassunik nioqquteqartartut aningaasanik tigoriaannarnik 100.000 kr.-nik taakkunangaluunniit amerlanerusunik akiliiffigineqartarnissaat inerteqqutaassasoq. Tamatuma pissuseqataa atuuppoq, aningaasanik tigoriaannarnik akiliuteqarnek akiliutinut arlalinnut agguataarsimasoq katillugit 100.000 kr.-nik taakkunangaluunniit amerlanerusunik tigoriaannarnik aningaasartaqarpat, akiliutillu imminnut ataqatigiittutut isigineqarpata. Aalajangersakkami immikkoortoq kingulleq ikkunneqarpoq saneqqutaariniarnerit pinngitsoortinniarlugit.

Aalajangersagaq taanna FATF-ip aamma aningaasanik peqquserluutinik malunnarunnarsaasarnermik akiuiniarneq pillugu aalajangersakkat pingajuannik eqqortitsisuusq naliliisoqarpoq. Taamaattorli nalunaarutiginnittussaaitaanermi pinik tigussaasunik aalajangersimasumik nalilinnik tuniniaasartut kisimik pineqarput, soorlu biilnik tuniniaasartut, pigisanik qanganitsanik tuniniaasartut kuultinillu pinnerasaasiortartut. Tamanna tuniniaasartut taakku taamatut amerlassusilinnik aningaasanik tigoriaannarnik akiliuteqarfigineqarajuttarnerannut atavoq.

Naatsorsuutigineqarpoq 100.000 kr.-nik taakkunangaluunniit amerlanerusunik tigoriaannartut aningaasanngorlugit akiliisartut ikinnerpaajusut. Taamatut amerlatigisunik aningaasartalinnik akiliinerit qarasaasiakkut akileeriaaseq chekiluunniit atorlugit pigajunnerusarput. Taamaattumik naliliisoqarpoq pinik tigussaasunik nioqquteqartutut aningaasanik tigoriaannarnik taamatut amerlatigisunik akiliinermut inerteqquteqartarnissaq killilimmik annertussuseqartoq.

Pinik tigussaasunik nioqquteqartartut inatsisip atuuffiani aalajangersakkat taassuma nassatarisaanik ilaatinneqassanngillat.

Kapitali 2 pillugu

§ 3 pillugu

Nr. 1-imi 2-milu aalajangersagassatut siunnersuut tassaavoq aalajangersakkap inatsisilerinikkut inatsiseqartitsinikkut immikkootunik kiisalu inatsiseqartitsinikkut aaqqissuussinernik assigiinngitsunik atuinerata nassatarisai. Taamaattumik taguutit ”ingerlatseqatigiiffik”-up aamma taaguutip ”suliffeqarfik”-up nassuiarnissaat pisariaqarpoq. Nr. 1-imi aamma nr. 2-mi nassuiaatini nassuiaat sapinngisamik amerlasuunik imalik anguniarneqarpoq, ataanilu ingerlatseqatigiiffiit suliffeqarfiillu ilusaannik taaguineq sukumiisuunngilaq.

Inatsisissatut siunnersuummi matumani *Nr. 1-imi* taaguut ”ingerlatseqatigiiffik” (selskabi) tamatigoortutut paasineqassaaq. Tassani pineqarput inatsisilerinikkut inuit tamarmik, tamakkununga ilaallutik aktieselskabit, anpartsselskabit, andelselskabit, partnerselskabit, peqatigiiffiit aamma aningaasaateqarfiit (suliffeqarfiit imminnut pigisut), interessentskaber kiisalu kommanditselskabit.

Nr. 2-mi taaguummi ”suliffeqarfiit”-mi ingerlatseqatigiiffiit nr. 1-imi nassuiarneqarsimasut ilaapput, taakkuali saniatigut inatsiseqartitsinikkut aaqqissuussinerit allat, soorlu nunani allani suliffeqarfioriaatsit peqatigiiffioriaatsillu Danmarkimi inatsiseqartitsinerup iluani imaaliallaannaq ilisimaneqanngitsut aamma ilaapput. Aalajangersakkami ”trusts”-inik taaneqartut immikkut sammineqarsimapput. Taaguut taanna nunani common law-eqartuni ilisimaneqarpoq.

Taaguut trust Kalaallit Nunaanni inatsiseqartitsinermi atorneqanngilaq, Kalaallillu Nunaanni aningaasaateqarfimmut assersuunneqarsinnaanani. Aammattaaq Kalaallit Nunaanni aningaasaateqarfik piginnittoqarneq ajorpoq, trustili piginnittoqartarluni. Kalaallit Nunaanni aningaasaateqarfiup aningaasaataanik piginnittunit immikkoortisimaneqarluinnartarput, taamaalillutik aningaasaatit kingusinnerusukkut tassunga utertillugit nuunneqarsinnaanatik. Kiisalu Kalaallit Nunaanni aningaasaateqarfiit sorlu aktiaateqarluni ingerlatseqatigiiffiit aalajangersaavigineqarsimanerattut aalajangersaavigineqarsimapput. Taamaattumik inatsisissatut siunnersuummi nunani allanni suliffeqarfiit ilusaasa, soorlu trustit - ilaatinneqarnissaat pisariaqariarpoq, tassami inatsisissatut siunnersuut ilaatigut piginnittuinnik kinaassusersinissamut pisussaaffiliisuunermi saniatigut sullitat allat nunanit allaneersut eqqarsaatigalugit aamma atuukkami.

Trustip ilisarnaataa tassaavoq inatsiseqartitsinikkut aaqqissuussinerup isumaqatigiisummik tunngaveqartup pineqarnera, tassanilu inuup (pilersitsisup) aningaasanik aqutsisunut (trusterinut) arlalinnut tunniuttarpai inummut ataatsimut arlalinnulluunniit (beneficial owner) imaluunniit siunertamut/-nut aalajangersimasunut iluaqutissanngorlugit. Danmarkimi aningaasaateqarfiup pissusaata paarlattuanik trustimi aningaasaatit pigisat pilersitsisumut utertillugit nuunneqarsinnaapput. Taamaalilluni trust pilersitsisup akiligassaqarfimminut piffissami aalajangersimasumi illersornissaanut periarfissiisarpoq, piffissallu taassuma qaangiunnerani aningaasat imminut utertillugit nooqqissinnaallugit.

Nr. 3-mi siunnersuutigineqarpoq nakkutigineqartumik niuerfik pillugu nassuiaat ilanngunneqassasoq. Taaguut ”nakkutigineqartumik niuerfik” aalajangersakkami 2004/39/EF-imi artikel 4-mi (14) aningaasalersuinikkut aqutissanut niuerfintut tunngasumi nassuiarneqarsimavoq. Nakkutigineqartumik niuerfiup ilaatigut ilisarnaatigaa nakkutigineqartumik niuerfittut akuerineqarsimanini kiisalu aalajangersakkami 2004/39/EF-imi malittarisassanik malinninnini.

Niuerfik Europami Naalagaaffiit Peqatigiit iluanniikkuni imaluunniit nunami Naalagaaffiit Peqatigiit aningaasalersuinermit tunngasuni isumaqatigiisuteqarfigisimasaaniikkuni nakkutigineqartumik niuerfennik allattuiffimmi Den Europæisk Unions Tidendemi saqqummiunneqartartumi ilanngunneqarsimassaaq, tak. aalajangersakkami 2004/39/EF-imi artikel 47. Niuerfilli nunami Europami Naalagaaffiit Peqatigiit avataannikkuni, Naalagaaffiit Peqatigiit aningaasalersuinermit tunngasuni isumaqatigiisuteqarfigisimanngisaani, taava nunat tamat bursiisa kattuffianni World Federation of Exchangesimi (WFE-mi) ilaasortaassaaq. Kattuffiup ilaasortaasa allattorsimaffiat www.fibw.com-imi tamanut saqqummiunneqartarpoq.

Nr. 4-mi aalajangersagassatut siunnersuut aalajangersakkami artikel 3-mik (6) piviusunnngortitsineruvoq. Aalajangersakkakkut tassuuna inuit inatsisissatut siunnersuummi suliffeqarfimmut nakkutilliinikkut sunniuteqartutut, taamallu inatsisissatut siunnersuummi piginnittuusutut isigineqartut suuneri nassuiarneqarput.

Aalajangersagaq taanna inuup suliffeqarfimmut inummulluunniit sullitaasumut nakkutilliinikkut qaqugukkut sunniuteqartutut oqaatigineqarsinnaanera pillugu naliliinermik aallaaveqarpoq. Nakkutilliinikkut sunniuteqarnermi ilaatigut aningaasaatit ilaannik/pigineqataassutit ilaannik taarsiinnaatitaanernillu piginnittuuneq kiisalu suliffeqarfiup ileqqoreqqusai isumaqatigiissutillu allat, soorlu pigineqataassutilinnut isumaqatigiissutit aamma aktieklassinut agguataarineq il.il. apeqqutaapput. Misissuinermi inuk ataaseq inuilluunniit arlallit suliffeqarfimmik aqutsisorpiaasut uterfigalugit aallaavigineqassapput. Inuk suliffeqarfiup pigineqataassutaani qularnaveeqqutaateqarpat, taakkununngalu atatillugu taaseqataasinnaatitaanerit qularnaveeqqummut atallutik malinnaappata tassani taamatutaaq pineqartoq tassaavoq piginnittunik, nalilersuineq tunngavigalugu taasisinnaatitaanerit tamakku aqutsinermi sunniuteqarsinnaappata.

Aalajangersakkami tassani *naqinnerit a)-e)-mi* qaqugukkut aqutsinermi sunniuteqarneq pineqarnerisq assersuusiorfigineqarsimavoq. Taamaalillutik naqinnerit a)-e) assersuusiaannaammata inuk suliffeqarfiup aningaasaataasa ilaannik procentinik ikinnerusunik pigisaqartoq inatsisissatut siunnersuummi ataatsimut nassuiaat tunngavigalugu piginnittutut aamma isigineqarsinnaavoq.

Naqinnerit a) aamma b) ingerlatseqatigiiffinnik nakkutilliinermut il.il. tunngasuvoq. Naqinneq a) malillugu ingerlatseqatigiiffiup pigineqataassutaasa taaseqataasinnaatitaanerisaluunniit 25 pct-ii sinnerlugit piginnittuuneq ingerlatseqatigiiffimmik sunniuteqartumik nakkutilliilersitsivoq. Litra b)-mi inuup litra a) taaneqartunit allaasumik ingerlatseqatigiiffiup aqunneqarneranut nakkutilliinermut tunngasumik aalajangersagaq pingaartumik inuit ingerlatseqatigiiffiup siulersuisuini tamatumunngaluunniit assingusumik aqutsisoqarfimmi ilaasortat amerlanersaannik toqqaasinnaatitaasut peersitsisinnaatitaasullu eqqarsaatigalugit sunniuteqarpoq.

Litra c)-c) tassaapput aalajangersakkami artikel 3-p (6) (ii) nassatarisai, tassanilu aningaasaateqarfiit inatsiseqartitsinikkullu aqqissuussinerit allat aningaasanik aqutsisuullutillu agguasartut immikkut taagorneqarput. Pingaartumik aalajangersagassatut siunnersuutip isumaqatigiinniutigineqarneranut atatillugu trustinik taaneqartartut eqqarsaatigineqarput, tak. siunnersuummi nr. 2 pillugu oqaaseqaatit.

Aalajangersakkap siunertaa tunngavigalugu litra c)-e)-mi assersuutini taaneqartuni kiap piginnittuunera sunniuteqartumilluunniit nakkutilliisuunera trustit eqqarsaatigalugit immikkut soqutiginaateqarpoq. *Litra c)-mi* oqaatigineqarpoq inuit trustip pigisatut aningaasaataasa 25 pct-iinik taakkuluunniit sinnerlugit tigusisussat kikkussusilissallugit pisariaqartoq, tassa inuit taakku ilisimaneqareerpa. Taaguut ”pigisaasa” litra c)-mi aamma e)-mi atorneqartoq aalajangersakkami artikel 3-mi (3) nassuiaatit naapertorlugit paasineqassaaq. Taamaalillutik pineqartut tassaapput

pigisat aningaasanik nalillit suulluunniit, pigisat aalaakkaanngitsut pigisalluunniit aalaakkaasut, pigisat tigussaasut imaluunniit pigisat uuttoorneqarsinnaanngitsut kiisalu inatsisilerinikkut uppersaasatit, matumani allagaatit pigisanut taamaattunut taakkunungaluunniit atasumik pisinnaatitaaffiit pillugit uppersaasatit qarasaasiamiittut ilanngullugit eqqarsaatigalugit, pineqarnerat apeqqutaatinnagu.

Danmarkimi aningaasaateqarfiit eqqarsaatigalugit inuit aningaasaateqarfiup pigisatut aningaasaataasa 25 pct-ii sinnerlugit litra c) tunngavigalugu tiguisussat sammissallugit pisariaqanngilaq. Danmarkimi aningaasaateqarfimmi aningaasaateqarfiup aningaasaatanik qilersorneqarsimanngitsuinnarnik – agguaassassatut aningaasaatinik taaneqartartunik – agguaassisoqarsinnaavoq. Taamaattumik Danmarkimi aningaasaateqarfiit eqqarsaatigalugit inunnik aningaasaateqarfiup agguaassassatut aningaasaataasa 25 pct-ii sinnerlugit tiguisussanik inoqarnera isiginiassallugu soqutiginaateqarpoq.

Inuit agguaassassanik pisussanngortinneqartut ilisimaneqanngippata *litra d*)-mi oqaatigineqartut inuit ataatsimoortut trustip Kalaallilluunniit Nunaanni aningaasaateqarfiup pilersinneqarnerani ingerlanneqarneraniluunniit aallaavittut pingaartillugit isigineqarnerat maluginiassallugu naammappoq. Aalajangersakkami isiginninnermi 9-mi tamatumunnga atatillugu oqaatigineqarpoq inuit ataatsimoortut taakku iluanni inuit ataasiakkaat kinaassusersinissaat soorunalimi ajornartoq taamallu pisariaqarani.

Litra e) eqqarsaatigalugu Danmarkimi aningaasaateqarfimmi inuit agguaassassatut aningaasaatit ikinnerpaamik 25 pct-ii sinnerlugit oqartussaassuseqartut tassaassapput aningaasaateqarfiup siulersuisui aningaasaateqarfiup siunertaa agguaassassatullu aningaasaateqarpat agguaassassatut aningaasaatai isiginiarlugit aningaasaateqarfimmik aqutsisuusut. Trustimi inuit trustip pigisatut aningaasaataasa ikinnerpaamik 25 pct-ii sinnerlugit oqartussaassuseqarluni pilersitsisoq aamma ilaasinnaavoq, tassami pilersitsisoq aamma tassaasinnaammat aqutsisoq.

Nr. 5-imi aalajangersagaq aalajangersakkami artikel 3-mi (7) tunngavilersugaavoq. Tassuuna siunnersuutigineqarpoq taagut ”suliffeqarfinnut kiffartuussinernik neqerooruteqartartut” nassuiarneqassasoq.

Litra a) malillugu inuit ataasiakkaat inatsiseqartitsinikkullu immikkoortut tamarmik nassuiaammi pineqartunut ilaatinneqarput, pingajuusutut inissisimasooq sinnerlugu ingerlatseqatigiiffimmik inuussutissarsiutitut pilersitsigunik. ”Suliffeqarfiit aningaasaateqanngitsut”-nik taaneqartartut pineqartunut aamma ilaatinneqarput. Suliffeqarfimmik aningaasaateqanngitsumik oqarnermi pineqartoq tassaavoq aktiaateqarluni ingerlatseqatigiiffik piginneqataassuteqarluniluunniit ingerlatseqatigiiffik aningaasarsiutigalugu pilersitsisumit pisiarinqartoq, ingerlatseqatigiiffillu pilersinneqarnermimit piffissap tunineqarfissami tungaanut inuussutissarsiutitut suliamik ingerlatsisimanngitsoq.

Inuk siunnersuummi *litra b*)-mi pineqartunut aatsaat ilaatiineqarsinnaavoq pilersitsineq inuussutissarsiornissaq siunertaralugu pisimappat. Aalajangersakkami isiginninnerup 17-ip nassataraa ingerlatseqatigiiffiup siulersuisuini ilaasortatut

ingerlatseqatigiiffiulluunniit pisortaatut suliaqarnerup pineqartoq suliffeqarfinnut kiffartuussinernik neqerooruteqartatut ingerlaannartumik inissimalersinneqannginnera. Nassuiaammi tassani inuit suliffeqarfimmi inuussutissarsiutigalugu pingajuusoq sinnerlugu siulersuisunut ilaasortaasut ingerlatseqatigiiffinniluunniit pisortaausut kisimik pineqarput.

Akunnittarfiit allaffittut atorneqartut *litra c*)-mi pineqartunut ilaatinneqarput. Akunnittarfiit allaffittut atorneqartut tassaatinneqarput kikkulluunniit najugaqarfinnik kiffartuussinernillu taakkununga atasunik inuussutissarsiutigalugu atugassiiusut. Kiffartuussisup tassunga atasunik kiffartuussinerit suliffeqarfiup ingerlanneqarneranut attuumassuteqartut aamma atugassanngortissimassagai piumasaaqaataavoq. Tamakku ilaat assersuutigalugu tassaasinnaavoq saaffiginnittarfik oqarasuaatitigulluunniit kiffartuussivik.

Litra d)-mi trustinik taaneqartut, tassa inuit trustimik pilersitsisumit trustip aningaasaataanik aqutsisussatut toqqagaasut pineqartunut ilaatinneqarput. Siunnersuummi nr. 2 pillugu oqaaseqaatit aamma innersuussutigineqarput, tassanilu taaguut trust eqqartorneqarluni. Taaguut "aqutsisut" aningaasaateqarfiit nalinginnaasumik iluaqutaasut eqqarsaatigalugit ilisimaneqareerpoq.

Litra e)-mi aalajangersagassatut siunnersuutip nassataraa piginneqataassuteqartoq suliffeqarfimmik inuussutissarsiutigalugu piginneqataassuseqartutut ingerlatsisup inatsimmi aalajangersakkani pineqartunut ilaatinneqarnera. Piginneqataassutilittut oqarnermi pineqartoq tassaavoq nominee, tassa inuk piginneqataassutiminik nammineq atini atorlugu piginneqataassutilit allattorsimaffianni nalunaarsortittoq, tassanilu tamatumunnga peqatigitillugu takuneqarsinnaalluni piginneqataassutit taakku allamit pigineqartut. *Litra e*)-mi aammattaaq inuit allat piginneqataassutilittut ingerlanerannik isumaginnittuusut pineqartunut ilaatinneqarput. Aalajangersagarli imatut killissalernerqarsimavoq inuup suliffeqarfinnut piginneqataassutai nakkutigineqartumik niuerfimmi nioqqutigineqartut kisiisa piginnaataaffigunigit pineqartunut ilaassanngitsoq.

Nr. 6-imi inunnik naalakkersuinikkut ulorianartorsiortutut inissisimasunik nassuiaaneq aalajangersakkami artikel 3-mik (10) kiisalu FATF-ip nassuiaateqarneq tungaveqarpoq.

Siunnersuutigineqarpoq inuit naalakkersuinikkut ulorianartorsiortutut inissisimasut tassaatinneqassasut inuit pisortani qaffasinnerusumik atorfillit atorfeqarsimasulluunniit. Taamaaliornikkut naalagaaffimmi qullersaasut, soorlu presidentit, ministerit, inatsisartunut (parlamentinut) ilaasortat, eqqartuussisut, sakkutuut naalagaat qaffasissumik inissisimasut, naalagaaffimmi tjenestemandit pisortatut inissisimasut, partiit siulittaasui kiisalu ingerlatseqatigiiffinni naalagaaffimmit pigineqartuni siulersuisunut ilaasortat. Taamaalillutik inuit nunani allani nunap immikkoortuini oqartussaasuni, soorlu Kalaallit Nunaanni kommunistitut ittuni, qaffasinnerusumik inissisimasut pineqanngillat.

Aammattaaq siunnersuutigineqarpoq qanigisatut ilaquuttat pineqartunut ilaatinneqassasut. Taakku assersuutigalugu tassasinnaapput inuit inunnut

taamaattunut nalunaarsugaasumik inooqatigiinnikkut attuumassuteqartut, katissimallugit aapparizat imaluunniit inuit taamaattut meeraat angajoqqaaviluunniit. Taakkua saniatigut inuit qanimut suleqatigineqartutut ilisimaneqartut inatsimmi pineqartunut aamma ilaatinneqarput. ”Ilisimaneqartut”-nik oqarnermi inuiaqatigiinni nalinginnaasumik ilisimaneqartut eqqarsaatigineqarput. Atortuulersitsineq pillugu aalajangersakkami artikel 2, imm. 3-mi (nr. 2006/70/EF) inuit ”close associates”-itut ilisimaneqartut qanoq paasineqassanersut itisilerneqarpoq. Taassuma nassuiaatitaani ilaatigut inuit inummut naalackersuinikkut ulorianartorsiortumut niueqatigiinnikkut qanimut attaveqartutut ilisimaneqartut kiisalu inuit suliffeqarfimmik inuk naalackersuinikkut ulorianartorsiortoq peqatigalugu piginnittuusut eqqartorneqarput.

Inatsisissatut siunnersuummi inuit naalackersuinikkut ulorianartorsiortutut inissisimasut nassuiarneqarneranut pissutaavoq § 15, imm. 4-tut siunnersuummi inuit naalackersuinikkut ulorianartorsiortut nunani allani najugaqartut pineqartillugit sullitamik ilisimasaqarnissap sakkortusisamik piumasaqaataanera. Tamanna Kalaallit Nunaanni inunnut naalackersuinikkut ulorianartorsiortunut nunani allani najugaqartunut aamma atuuppoq. Aalajangersakkami isiginninnerup 25-p inuit naalackersuinikkut ulorianartorsiortut nunani allani najugaqartut sakkortusisamik eqqumaffigineqarnissaat pingaartumik aningaasanik akilersilluni peqquserluuteqartarnermik akiuiniarnerup isiginiarneqarneranik tunngavilersorpa, taamaattumillu nunat aningaasanik akilersilluni peqquserluffiugajuttut immikkut eqqumaffigineqassallutik.

Siunnersuutip *nr. 7-iani* Aningaasanik peqquserluutinik malunnaarunnaarsaasarnermut allattoqarfiup nassuiaateqarfigineranut peqqutaavoq, FAFT Recommendations (inassutigisai) 26-32-at malillugu suliassat Aningaasanik peqquserluutinik malunnaarunnaarsaasarnermut allattoqarfiup isumagisassai ima issuseqartussaammata, Akileraartarnermut Nakkutilliisoqarfiup imaluunniit Namminersorlutik Oqartussat ataanni oqartussaasut allat isumaginissaannut piginnaasaqarfigisinnaajunnarnagit. Piumasaqaatit tunngaviusumik eqquutsinneqartussaasut FATF Resommendations 26-32-mi ersipput, ilisimatitsissutitut nassuiaasersorneqarlutik (Interpretative Notes).

Taamaattumik isumaqatigiissutigineqarsimavoq Danmarkimi Hvidvaskesekretariatet-ip suliassat Kalaallit Nunaannut tunngasut aamma isumagisassagai. Aningaasanut peqquserluutinut allattoqarfik Kalaallit Nunaannut attuumassuteqartoq Danmarkimi Hvidvaskesekretariatet-imi inissisimavoq, illutigit Naalagaaffiup Eqqartuussisuata aningaasaqarnikkut immikkut pinerluttuleriffiani (SUK) inissisimalluni, SUK-lli ataani sammisaqarfiunani.

Kalaallit Nunaanni eqqartuussivikkut malersuinerit arsaarinnissuteqartarnerillu il.il. pillugit suliassat politiit oqartussaaffiitigut isumagineqartassapput.

§ 4 pillugu

Aalajangersakkami nassuiarneqarpoq oqariaatsip ”aningaasanik peqquserluutinik malunnaarunnaarsaasarneq” sunut attuumassuteqarnerisq. Nassuiaatip aallaavigaa

pinerluttulerineq pillugu inatsisip § 111-iani tillitanik tuniniaasarneq pillugu aalajangersagaq.

Kalaallit Nunaanni pinerluttulerineq pillugu inatsiseqartitsinermi aningaasanik unioqqutitsinikkut pissarsianik inatsisinut naapertuuttunngortitsiniartarnernermik oqartarnermi taamaaliorniarluni iliuutsit pinerluuteqarneq sioqqullugu iliuuseqarsimasumit iliuuserineqartut (assersuutigalugu sakkulerluni piiaaneq) ilaatinneqanngillat, tamannali aalajangersakkami aningaasanik peqquserluutinik malunnarunnaarsaasarneq pillugu taaguutini ilaatinneqarluni, tassami pinerlunniartarnernik akiuinermi atugassanik nalunaarutiginnittoqartarnissaanik pisariaqartitsineq taannaammatt, pinerluuteqartorpiaap imaluunniit pingajuusutut inissisimasup aningaasanik unioqqutitsinikkut pissarsianik inatsisinut naapertuuttunngortitsiniarnera apeqqutaatinnagu.

Taamaattumik siunnersuummi *imm. 2-mi* pinerluuteqartup unioqqutitsinikkut pissarsiat pillugit nammineq iliuusii, Danmarkimi inatsiseqartitsinermi taakku pinerluttulerineq pillugu inatsiseqartitsinermi pinerluuteqarneq sioqqullugu pinerluuteqarnermut pineqaatissiissutigineqartussat sukumiisumik oqaatigineqarsimanerat pissutigalugu tillitanik tigusinertut/tuniniaanertut pineqaatissinneqartanngitsut pineqartunut aamma ilaatinneqarput.

Nassuiaatigineqartutut pissutsinut suliffeqarfiit inatsimmi pineqartunut ilaatiineqartut eqqumaffigisassanut tunngasuupput. Aningaasanik peqquserluutinik malunnarunnaarsitsiniarnerit suut nalunaarutiginnittussanngortinneqarnerannik apeqqut siunnersuummi § 7, *imm. 1-ikkut* aalajangersaavigineqarpoq. Taamaallilluni nalunaarutiginnittussaatitaaneq pinerloriaatsinut aalajangersimasunut atuuttutut killissalerneqarpoq, tak. siunnersuummi § 7.

§ 5 pillugu

Tassani aalajangersakkami artikel 1 (3) piviusunngortinneqarpoq. ”Pinerliiniarnernik aningaasalersuineq”-mik oqarnermi suut pineqarnerat pinerluttulerineq pillugu inatsimmi aalajangersakkamut innersuussinikkut nassuiarneqarpoq. Pinerluttulerineq pillugu inatsimmi § 30 imaattunik oqaasertaqarpoq:

”§ 30. Pinerliiniarnernik aningaasalersuisoq imaluunniit taakkununnga tunngasunik iliuuseqartoq, taakkununnga toqqaannartumik toqqaannanngitsumilluunniit aningaasatigut tapersiisoq eqqartuunneqassaq,
2) toqqaannartumik toqqaannanngitsumilluunniit aningaasanik pissarsisoq imaluunniit katersisoq ukununnga, imaluunniit
3) toqqaartumik toqqaannanngitsumilluunniit aningaasanik, pigisanik nalilinnik, aningaasanik assigisaannillu ukununnga atugassanngortitsisoq
4) inuk, inuit, peqatigiit kattuffiilluunniit § 28-mi imaluunniit § 29-mi allassimasunik iliuuseqartut imaluunniit iliuuseqarnissamik siunertaqartoq.”

Pinerluttulerineq pillugu inatsimmi § 28 imaattunik oqaasertaqarpoq:

“§28. Pinerliiniartutut eqqartuunneqassaaq, kalaallit, qallunaat, savalimmiormiut oqartussaasuunik imaluunniit nunat tamat akornanni suliniaqatigiiffiannik iliuuseqartitsisoq imaluunniit iliuuseqanngitsoortitsisoq, imaluunniit nunap imaluunniit nunat tamat akornanni suliniaqatigiiffiup politikikkut, tunngaviusumik inatsisitigut, aningaasaqarnikkut imaluunniit inuiaqatigiit aaqqissuussaaneramik ajoqusiisoq aseruisorluunniit, imaluunniit uku arlaannik ataatsimik arlalinnilluunniit iliuuseqartoq, iliuuseqarneq suussutsimigut allanulluunniit atassuteqarnermigut nuna imaluunniit nunat tamat akornanni suliniaqatigiiffik annertuumik ajoquserpagu:

- 1) § 86, imm. 1 naapertorlugu toqutsineq
- 2) § 88, oqaaseqatigiit siulliit naapertorlugit sakkortuumik persuttaaneq
- 3) § 91, oqaaseqatigiit siulliit naapertorlugit nammineersinnaajunnaarsitsisoq
- 4) § 567, imm. 1 naapertorlugu atassuteqaatinik il.il. ingerlatsinermik piaaraluni ajoqusersuisoq, imaluunniit § 113, imm. 1 naapertorlugu piaaraluni annertuumik aserorterisoq, imatut unioqqutitsisoqarpat, inuit inuunerannik ulorianartorsiortitsilluni imaluunniit aningaasatigut annertuumik annaasaqartitsilluni.
- 5) § 69 naapertorlugu angallatigineqartunik tiguaaneq.
- 6) Kalaallit Nunaanni sakkut atorlugit inatsimmik sakkortuumik unioqqutitsineq.
- 7) § 65, imm. 1 naapertorlugu sakkortuumik piaaralunilu ikuallatsitsisoq, § 66, oqaaseqatigiit siulliit naapertorlugit qaartitsisoq, silaannarnik ajoqusiisinnaasunik siaruarterisoq, qarsutsisitsisoq, umiutitsisoq allatigulluunniit angallatigineqartunik ajutoortitsisoq, § 67, imm. 2 naapertorlugu piaaraluni imermik pilersuineramik saassussisoq, § 67, imm. 3 naapertorlugu piaaraluni peqqinnissamut ulorianartunik nalinginnaasumik siaruartussanik il.il. mingutsitsisoq.
- 8) § 68 naapertorlugu qinngornernik ulorianartulinnik pigisaqartoq atuisorluunniit.

Imm. 2. Taamatutaaq eqqartuunneqassaaq imm. 1-imi taaneqartunik sakkunik qaartartunilluunniit piaaraluni angallassisoq.

Imm. 3. Taamatutaaq eqqartuunneqassaaq imm. 1-imi taaneqartutut imm. 1-imi 2-milu taaneqartunik iliuuseqarnissamik siorasaarisoq.”

Kapitali 3 pillugu

§ 6 pillugu

Aalajangersakkami artikel 20 *imm. 1-imi* piviusunngortinneqarpoq, FATF-illu inassuteqaataata nr. 11-ip nassataralugu. Aalajangersakkami tassani inuit suliffeqarfiillu inatsimmi pineqartunut ilaatinneqartut ataatsimut eqqumaffiginnittussaatinneqarput. Pisussaaffik tassaavoq suliffeqarfiit inuillu inatsimmi pineqartunut ilaatinneqartut aningaasanik nuussinerit il.il. nalinginnaanngitsut naapertuuttunngortitsiniarneq imaluunniit pinerliiniarnernik aningaasalersuineq eqqarsaatigalugu naliiffigissagaat, siunnersuummili § 7-ip pisoq aningaasanik peqquserluutinik malunnarunnaarsaasoqarneranik pinerliiniarnernilluunniit aningaasalersuisoqarneranik pisumik pasitsaassaqarneq ilumoortuunersoq ilumoortuunnginnersorluunniit uppersarneqartussaq aalajangersaaffigalugu. Tamatuma nassatarisaanik suliffeqarfiit inuillu inatsimmi pineqartunut ilaatinneqartut sullitap ingerlatai immikkut pissuseqarnertik

pissutigalugu naapertuuttunngortitsiniarnermut pinerliiniarnernilluunniit aningaasalersuinermt attuumassuteqarsinnaasorineqartut ataatsimut eqqumaffigissavaat. Pineqartoq assersuutigalugu tassaasinnaavoq kontomi nalinginnaanngitsunik nuussisaqattaarnerpassuit, imaluunniit sullitap kontomik atuinera nalinginnaasoq eqqarsaatigalugu aningaasanik nalinginnaanngitsunik amerlasuunik ikisisoqarnera. Taamaalillutik inuit suliffeqarfiillu inatsimmi pineqartunut ilaatinneqartut paasitsaassineq pilerpat aatsaat eqqumaffiginnilissanngillat.

Tamatuma saniatigut siunnersuutigineqarpoq suliffeqarfiit inuillu inatsimmi pineqartunut ilaatinneqartut sullitat ingerlataannik nunanut nunalluunniit ilaannut FATF-ip oqaaseqaataa tunngavigalugu (tak. matuma ataaniittut) naleqquttunngortitsiniartoqarsinnaaneranik pinerliiniarnernillu aningaasalersuisoqarsinnaaneranik immikkut ulorianartorsiorfiusunut attuumassuteqartunik eqqumaffigininnissaminnut pisussaaffilerneqassasut. Aningaasanik nuussinerit taamaattut matumani aningaasanik pisariusumik imaluunniit aningaasarpassuarnik nalinginnaanngitsunik nuussinertut sullitarlu eqqarsaatigalugu aningaasanik nuusseriaatsitut nalinginnaanngitsutut tamarnik immikkut isigineqarput.

Nunat nunalluunniit ilaat eqqarsaatigalugit immikkut aarlerinaatilinnik naliliineq Financial Action Task Force (FATF-imi) ingerlaavartumik pisarpoq, FATF-ilu tassaavoq aningaasanik peqquserluutinik malunnarunnaarsaasarnernik pinerliiniarnernillu aningaasalersuinermt akiuiniarnermi naalagaaffit suleqatigiiffiat, Danmarkip ilaasortaaffigisaa. FATF-ip oqaaseqaatit ingerlaavartumik nassiuttarpai, taakkunanilu nunat aningaasanik peqquserluutinik malunnarunnaarsitsiffiusinnaasutut imaluunniit pinerliiniarnernut aningaasalersuiffiusinnaasutut immikkut ulorianaatilittut nalilerneqartut mianersoqqussutigineqartarlutik.

Imm. 2-mi aalajangersarneqarpoq misissuinermt paasisat § 23-mi malittarisassat malillugit toqqortarneqassasut. Misissuinermt taaneqartuni paasisat suliffeqarfiup pineqartup sulinermti ilumini allagaataanut ilaapput, paasissutissallu taakku sullitamut paasissutissiissutigineqarsinnaanngillat. *Imm. 2* tassaavoq FATF-ip inassuteqaataa nr. 11-p piviusunngortinneqarnera, tassanilu aalajangersarneqarluni paasisat allattorneqassasut, kiisalu oqartussaasunut pisinnaatitaasunut kukkuneruiusunullu atugassiissutigineqassasut. Tamanna pillugu allattukkat qanoq annertutiginnissaanni pissutsip pisariussusia apeqqutaavoq. Aningaasanik nuussinerup siunertaanik suliffeqarfiup inuulluunniit allattuinermt naammakkajuttartussaavoq.

§ 7 pillugu

Aalajangersakkami artikel 22 tassani piviusunngortinneqarpoq.

Inatsisip qanoq paasineqarnissaanik nassuiaaneq eqqarsaatigalugu oqaatigineqassaaq siunnersuummi § 4 aalajangersakkami artikili 1-imi nassuiaaneq naapertorlugu aningaasanik peqquserluutinik malunnarunnaarsitsiniarnernut imaluunniit

pinerliiniarnernik aningaasalersuiniarnernut tunngasunik imaqarmat, aningaasanik unioqquitsinikkut pissarsianik inatsisinut naapertuuttunngortitsinermik aamma pinerliiniarnernik aningaasalersuineramik nassuiaatip ilaatut. Aalajangersakkami artikel 22 aningaaseriviit pineqartut ”pisut suulluunniit naapertuuttunngortitsiniarnermut aamma pinerliiniarnernik aningaasalersuinermut takussutaasinnaasut” oqartussaasunut pisinnaatitaasunut namminneq suliniuteqarnermikkut nalunaarutigissagaat aalajangersakkamik imaqarpoq.

Taamaalilluni manna nalinginnaasumik paasinninneruvoq, tassalu pissutsit sullitanut tunngasut itigartitsissutigineqartut aamma nalunaarutigineqartassat, aningaasanik peqquserluutitik malunnarunnaarsaaniarneq pinerliiniarnernilluunniit aningaasalersuiniarneq pineqartoq naliliisoqarpat. Pisuni taamaattuni kinaassutsimik uppersaasiinissaq piunasaqaataangilaq, pisunili arlalinni pineqartoq allamik tunngaveqarluni kinaassusersineqarsinnaasarpoq, matumani paasissutissat uppersaatilluunniit sullitanngorumaarsinnaasumit tiguneqartut tunngavigalugit kinaassutsimik paasisaqarneq ilanngullugu eqqarsaatigalugu.

Killissalersuineq pillugu oqaatigineqassaaq pineqartoq tassaassammatt pisumi pineqartumi pineqaatissiissutigineqartumi aningaasanik pissarsiarineqartunik toqqaannartumik suussusersineqarsinnaasunik naapertuuttunngortitsiniartoqarneramik pasitsaassineq. Sullitanngorumaarsinnaasumit saaffiginnissut, soorlu akileraarnaveersarneq aqutigalugu akileraarutitik akiliinnginnissani pillugu siunnersoqquneq, imaluunniit pinerluuteqarneq suli pisimanngitsoq pillugu saaffiginnissutitik nalunaaruteqartussaataitanermi pineqartunut ilaassanngillat. Pinerluuteqarneq pereersimagaluarpuunniit nalunaarutiginnittussaataitaaneq atorineqassappat pissarsianik pinerluuteqarnermit pissarsiarineqarsimasunik piunasaqarnissaa piunasaqaataavoq. Inatsimmi pineqartut tassaaginnarput pissarsiat toqqaannartumik suussusersineqarsinnaasut pillugit iliutsit, inatsillu pissutsinik pineqaatissiissutigineqarsinnaasunik imaluunniit taamaaliornissamik pilersaarutigineqartunik nalunaarutiginninnissamut ataatsimut isigalugu pisussaaffimmik imaqanngilaq.

Suliffeqarfii inuillu inatsimmi pineqartunut ilaatinneqartut suut pillugit nalunaarutiginnittarnissaat aalajangersakkakkut tassuuna erseqqissarneqarpoq. Erseqqissarneqarpoq pasitsaassinerit piffissami aningaasanik nuunnersinermi kingusinnerusukkut pilersut nalunaarutiginnittussaataitanermi aamma ilaatinneqartut.

Pisussaaffik aatsaat pilersarpoq sullitamut tunngasoq pillugu saaffiginnittoqarnerani, soorlu aningaasanik nunap allap aningaasaanut taarsiinermut atatillugu. Piunasaqaataavoq saaffiginnissut pinerluuteqarnermi pereersumi imaluunniit pinerliiniarnernik aningaasalersuinermit pissarsianut tunngasuussasoq, tassanilu aningaasat inatsisinik unioqquitsinani, soorlu aningaasanik katersuiniarnikkut, pissarsiarineqartut pineqartunut aamma ilaatinneqarput. Taamaalilluni assersuutigalugu akileraarnaveersaarniassamaarneq pillugu siunnersoqqulluni saaffiginnissutit pineqartunut ilaatinneqassanngillat, saaffiginnissut naapertuuttunngortitsiniarnermut imaluunniit pinerliiniarnernik aningaasalersuinermit tunngarpiartuusoq pasitsaassisoqarsimanngippat.

Ullumikkutut nalunaaruteqartussaataitanermi pinerluttulerineq pillugu inatsimmik unioqquitsinikkut pissarsianik aningaasanik peqquserluutinik malunnarunnaarsaasoqarniarneranik pasitsaassinermi ilaatinnaqarfiani manna eqqarsaataangilaq suliffeqarfiit inuillu inatsimmi pineqartunut ilaatiinneqartut pinerluttulerineq pillugu inatsiseqartitsineq aallaavigalugu erseqqinnerusumik nalilersuissasut. Suliffeqarfiillu inuillu inatsimmi pineqartunut ilaatinneqartut manna isiginiassavaat, tassalu pisoq sullitamut tunngasoq nalinginnaasoq eqqarsaatigalugu pissutsinik nalinginnaanngitsunik atuuttoqarnersoq, matumani aningaasanik nuussinermi aningaasat amerlassusiat akileeriaatsillu ataqatigiinneranni pineqartumi nalinginnaanngissorinarsinnaasutut ittut ilanngullugit eqqarsaatigalugit. Aamma imaasinnaavoq nalinginnaanngitsoq pineqanngitsoq, killilersuiffigineqartorli paasisutissanik allanik pasitsaassinissamut pissutissaqalersitsisunik pigisaqartoq. Killilersuiffigineqartup suliassaqarfimminik ilisimasaqarnera aallaavigalugu ataatsimut naliliineq tunngavigalugu pasitsaassineq nalunaarutigineqartussa q pineqarnersoq pineqartup isummerfigisariaqarpa.

Pisoqartartussaavoq aningaasanik nuussineq aningaasanik peqquserluutinik malunnarunnaarsaaniarnermik siunertaqarnersoq atorfeqartitaasunut ataasiakkaanut nalilissallugu ajornakusoorsinnaasunik. Siunertaanngilarli pinerluuteqarnerq suna atuunnersoq sulisut ataasiakkaat naliliiffigisassagaat. Taamatut naliliisoqassappat inatsisilerinermerk ilisimasaqarnissaq piumasagaataasussaavoq, tamatumalu saniatigut suliassat suliallu aningaaserivinni sulisut isumagisassaasa avataaniittussaalluni.

Pasitsaassineq nalunaarutiginnittoqassappallu nalunaarutiginninneq pisumi pineqartumi iliuutsit iliuuserineqartut qanoq ittuussusiisa sullitap nalinginnaasumik iliuusaasa allaassusiat, nipangiussinerit, sullitamilu pissutsit allat nalinginnaanngitsut ataatsimoorlutik aningaasat pinerluuteqarnermit pisimasutut ilimagisariaqartut isertorniarnaqarnerannik pasitsaassisitsisinnaasut pillugit naliliinernik tunngaveqartinneqassaaq.

Nalunaaruteqartussaataitaasut pinerluttulerineq pillugu inatsiseqartitsineq tunngavigalugu naliliinernik erseqqinnerusumik ilisimasaqarnissaat naatsorsuutigineqarsinnaangilaq. Inatsisit malillugu nalunaarutiginninnginnermut aatsaat pineqaatisiisoqarsinnaavoq aningaasanik peqquserluutinik malunnarunnaarsaasoqarneranik pinerliiniarnernillu aningaasalersuisoqarneranik ilumut pasitsaassisoqarsimappat, pasitsaassinerlu taanna ilumuunnginnerarneqarsimanngippat.

Inatsimmik unioqquitsinermi inatsit tunngavigalugu sivisunerpaamik ukiumi ataatsimi sivikinnerusumiluunniit parnaarusaanermik pineqaatissiissutigineqarsinnaasutut pissarsianik aningaasanik peqquserluutinik malunnarunnaarsaasoqartoqarnera atorfeqartitaasup toqqaannartumik ilisimappagu inatsisissatut siunnersuut malilugu nalunaarutiginnittussaataaneq pineqanngilaq. Pisumi taamaattumi aningaasanik nuussineq atorfeqartitaasup politiit nalunaarfiginagit ingerlappagu tamanna tillitanik pisinertut pinerluttulerineq pillugu inatsimmi § 111 tunngavigalugu pineqaatissiissutigineqarsinnaavoq.

Aalajangersakkami *imm.* 2 artikel 24-mik piviusunngortitsineruvoq. Paasiniaanerup - inatsisillu siunertaanik naammassinninnerup – qanoq sunniuteqarluartiginissaani inuit suliffeqarfiillu inatsimmi pineqartunut ilaatiinneqartut aamma Aningaasanik Peqquserluutitik Malunnarunnaarsaasarnermut Allattoqarfiup akornanni suleqatigiinnermik ingerlalluatumik pilersitsisoqarsimanera aalajangiisuuvoq. Taamaattumik aningaasanik nuussinerup aningaasanik peqquserluutitik malunnarunnaarsaaniarnermut attuumassuteqartutut pasitsaanneqartup misissorneqarnissaata Aningaasanik Peqquserluutitik Malunnarunnaarsaasarnermut Allattoqarfimmut ingerlaanaq ilisimatitsissutigineqartarnissaa pingaartuuvoq.

Taamaattumik inuit suliffeqarfiillu inatsimmi pineqartunut ilaatinneqartut aningaasanik nuussiniarneq aningaasanik peqquserluutitik malunnarunnaarsaaniarnermut attuumassuteqartutut pasitsaanneqartoq ingerlattassanngilaat, Aningaasanik Peqquserluutitik Malunnarunnaarsaaniarnermut Allattoqarfiup tamatumunnga ilisimatinneqareernissaata tungaanut.

Ulluinnarnilu imaakkajuttartussaagunarpoq aningaasanik nuussinerup kinguartinneqarnera aningaasanik peqquserluutitik malunnarunnaarsaaniartup pasitsanneranik kinguneqartoq. Taamaalisooqarsinnaasorinarpat aningaasanik nuussineq ingerlanneqartariaqarpoq. Aningaasanik Peqquserluutitik Malunnarunnaarsaasarnermut Allattoqarfimmut nalunaarutiginnineq tamatuma kingornatigut ingerlaanaq pissaaq. Tamannali pineliiniarnernik aningaasalersuiniarnermik pasitsaassisoqarnerani atuutinngilaq, tak. *imm.* 3. Aalajangersagaq taanna § 26-mut tunngatillugu isiginiarneqassaaq, tassanimi aalajangersarneqarmat misissuinnermik aallartitsisoqarsimaneranik imaluunniit Aningaasanik Peqquserluutitik Malunnarunnaarsaasarnermut Allattoqarfiup nalunaarfigineqarsimaneranik isertuussissalluni suliffeqarfik imaluunniit pisussaaffeqartoq.

Imm. 3-mi piumasaaqatigineqarpoq, pinerliiniarnernik aningaasalersuineq pasitsaanneqarpat aningaasanik nuussiniarneq Aningaasanik Peqquserluutitik Malunnarunnaarsaasarnermut Allattoqarfik nalunaarfigineqareersimatinnagu ingerlanneqassanngitsoq, Kunneqarfiup Danmarkip nunat tamat akornanni pisussaaffii pissutigalugit. Arsaarinnittoqassanersoq Aningaasanik Peqquserluutitik Malunnarunnaarsaasarnermut Allattoqarfiup piaarnerpaamik isummerfigissavaa. Aalajangersakkap taassuma pineqaatissiissutit pillugit Danmarkimi peqqussutit imaluunniit EU-p peqqussutai tunngavigalugit aningaasanik mattussigallartussaataaneq aamma killissalinngilaa.

Pinerliiniarnernik aningaasalersuineq pinerluuteqarnikkut pissarsiat atorlugit aningaasalersorneqarajuttarpoq, pasitsaassinnermillu nalunaarutiginnineq aningaasanik peqquserluutitik malunnarunnaarsaasarneq pillugu inatsimmi atuuttumi pineqartunut ilaatiineqarpoq. *Imm.* 3-p killissalernerneqarnerunissaa pisariaqarpoq, tassami pisuni taakkunani pinerliiniarnernik paasisaqarnissaa pingaarnerunngimmat, pinerliiniarnernillu aningaasalersuinerup pinngitsoortinneqarnissaa pingaarnerulluni. Aningaasanik nuussinngitsoorneq kontomut pineqartuinnarmut atuuppoq.

Malittarisassap kingunerissavaa, pinerliiniarnernik aningaasalersuineq pasitsaanneqarpat, tamanna Aningaasanik Peqquserluutinik Malunnarunnaarsaasarnermut Allattoqarfimmut nalunaarutigineqassasoq. Aningaasanik Peqquserluutinik Malunnarunnaarsaasarnermut Allattoqarfiup arsaarinnittoqassanersoq tamatuma kingornatigut pilertortumik isummerfigissavaa.

Imm. 4 paasisutissat nalunaarutiginninnermi ilaatinneqanngitsut eqqarsatigalugit eqqartuussiveqarneq pillugu inatsimmi malittarisassat nalinginnaasut atorneqarnissaannut taamaallaat innersuussisuuvoq.

§ 8 pillugu

Aalajangersakkami artikel 25 tassuuna piviusunngortinneqarpoq. Oqartussaasut pissutsinik naleqquttunngortitsinerniarmut imaluunniit pinerliiniarnernik aningaasalersuinermit attuumassuteqarsinnaasunik nakkutilliinermut atatillugu misissuinerikkut allatulluunniit iliorlutik ilisimasaqalersinnaapput.

§ 9 pillugu

Siunnersuutigineqarpoq Akileraaruserivik nunanut suleqataajumangitsunut aningaasanik nuussinerit pillugit nalunaaruteqartussaataaneq pillugu malittarisassanik erseqqinnerusunik aalajangersaanissaminut periarfissaqartinneqassasoq, FATF-imi suleqatigiinnerup nassatarisaanik. Siunertaavoq nalunaaruteqarneq ingerlaannaq pisassasoq, nunamut suleqataajumangitsumut aningaasanik nuussisoqarsimappat, taamaalillunilu nalunaaruteqartussaataaneq aningaasanik peqquserluutinik malunnarunnaarsaanerup imaluunniit pinerliiniarnernik aningaasalersuinerup pasitsaanneqarneranik tunngaveqassanngitsoq. Nalunaaruteqartussaataaneq pisup erseqqinnerusumik misissorneqarnissaanik piumasaqaammut, matumani paasisutissanik erseqqinnerusunik pissarsiniarneq ilanngullugu eqqarsaatigalugu, attuumassuteqassasoq siunertaanngilaq.

Akiuiniarluni suliniutit FATF-ip nunanut aningaasanik peqquserluutinik malunnarunnaarsaasarnermik akiuinermi suleqataajumangitsunut aallartinneqartussatut siunnersuutigisaasa malitseqartitsivigineqarsinnaanerat aalajangersakkakkut tassuuna qulakkeerneqarpoq.

Aalajangersakkami tassani aningaasanik nuussinerup aningaasanik peqquserluutinik malunnarunnaarsaanermit attuumassuteqarnerata pasitsaanneqarsimanissaa piumasaqaataanngilaq, aammalumi aningaasanik nuussinerit ataasiakkaat nalunaarutigineqartussaataanersut misissorneqartarnissaat siunertaanngilaq, taamaallaalli maluginiassallugu aningaasanik nuussineq inummut suliffeqarfimmulluunniit nunami nunalluunniit ilaannut FATF-ip nunat nunalluunniit ilaat suleqataajumangitsut pillugit allattuiffiani pilersinneqarsimasumut nalunaarsorneqarsimasumulluunniit pisimanersoq. Tamanna tunngavigalugu politiinut nalunaarutiginnittoqartassaaq.

FATF-ip allattuiffiani tassani ilaatigut nunat pillaatitut iliuuseqarfigineqartussatut akuersissuteqarfigineqarsimasunut ilaatigullu nunat ilaatinneqartut ilanngunneqarsimasinnaapput. Nalunaarutiginnittussaataitanermi nunat pillaatitut iliuuseqarfiginiarlugit akuersissuteqarfigineqarsimasut kisimik pineqartunut ilaatinneqarput.

Nunanik nunallu ilaannik suleqataajumanngitsunik allattuiffik nunat ataasiakkaat iluarsaaqqinnernik nunat tamat aningaasanik peqquserluutinik malunarunnaarsaasarnermik pinerliiniarnernillu aningaasalersuisarnernik akiuillutik suleqatigiinneranni sunniuteqartumik peqataasinnaalersitsisunik atuileriarturnerat peqatigalugu allangoriartorpoq. Nunanik nunallu ilaannik ilaatsinnaanneqartunik allattuiffimmi makku juni 2009-mi ilaapput: Iran, Usbekistan, Turkmenistan, Pakistan aamma Sáo Tome aamma Principe. Allattuiffik taana ukiumut pingasoriarluni nutarterneqartarpoq.

Nalunaarutiginnittussaataitanerup annertussusia qanoq iluaqutaatigineranik naliliineq tunngavigalugu aalajangersarneqartariaqarpoq, tassa imaappoq aqutsinikkut suliakkersuineq sukumiisumik nalunaarutiginnittarnerup nassatarisaa siunertamut – tassalu aningaasanik peqquserluutinik malunnarunnaarsaasarnermik pinerliiniarnernillu aningaasalersuisarnernik akiuiniarnermut – naapertuuttuunersoq. Assersuutigalugu aningaasanik nuussinerit qallunaat nunami FATF-ip allattuiffiani ilaasumi nammineq akiliutitut kortinik atuinerannik tunngaveqartut nalunaarutiginnittussaataitanermi ilaatinneqarajunngillat. Taamaattorli malittarisassanik erseqqinnerusumik piviusunngortitsisoqassappat tamatumani nalunaarutiginnittussaataitanerup annertussusia nunat tamat akornanni aalajangersarneqartoq apequtaassaaq, matumani FATF-imi aamma naalagaaffiit EU-mi ilaasortaasut akornanni oqaloqatigiinnerit ingerlaqqinnerat ilanngullugu eqqarsaatigalugu.

Kapitali 4 pilugu

§ 10 pillugu

Aalajangersakkami artikel 7 tassuuna piviusunngortinneqarpoq. Tamatuma kingornatigut suliffeqarfiit inuillu inatsimmi pineqartunut ilaatinneqartut sullitap kinaassutsiminik uppenarsaanissaa tamatigut piumasarisalissavaat, aningaasanik peqquserluutinik malunnarunnaarsaaneq imaluunniit pinerliiniarnernik aningaasalersuineq § 7-imi nalunaarutiginnittuussaataitanermi pineqartunut ilaatinneqartoq, pineqartoq pasitsaanneqarpat.

Suliffeqarfiit inuillu inatsimmi pineqartunut ilaatinneqartut aallaavittut taamaallaat piumasaqaatigisassavaat sullitaq sullitamut tunngasumik aalajangersimasumik pilersitsinermi kinaassutsiminik uppenarsaassasoq, tak. § 12, imaluunniit ataasiaannarluni sullinneqartartoq 100.000 kr.-t sinnerlugit nuussisoq pineqarpat, tak. § 13.

Taamaalilluni § 10-mi aalajangersagaq tassaavoq ataatsimut piumasaqaat, sullitanut tunngasoq, qaqutiguinnaq sullinneqartartoq, aningaasat amerlassusiat il.il. apeqqutaatinnagu atuuttoq. Tassa imaappoq qaqutiguinnaq sullinneqartartoq 100.000 kr.-t ataallugit amerlassusilinnik nuussippat kinaassutsimut uppersaammik takutitsisoqarnissaa piumasaqaatigineqassasoq, aningaasanik peqquserluutitik malunnarunnaarsaaneg imaluunniit pinerliiniarnernik aningasalersuineq siunertaanersoq pasitsaanneqarpat.

Aalajangersagaq aammattaaq isumaqarpoq siunnersuummi §§-ini 16-imi aamma 17-imi sullitap kinaassusianik uppersaqaqsulluni piumasaqaatip atuutinnegiffia atorneqarsinnaangitsoq, suliffeqarfik inulluunniit pasitsaassippat aningaasanik nuussineq aningaasanik peqquserluutitik malunnarunnaarsaanermut imaluunniit pinerliiniarnernik aningasalersuinerlutit attuumassuteqartoq.

§ 11 pillugu

Aalajangersakkami artikel 6 (kinaassutsimik isertuussilluni kontonik pilersitsinissamik inerteqqut) kiisalu artikel 7 (a) niuernernikkut attaveqaatigiinnermik imaluunniit sullitamut pissutsimik aalajangersimasumik pilersitsisoqarnerani aalajangersakkami artikel 7 tunngavigalugu sullitanik ilisimasaqarnissamik piumasaqaateqarfiusoq tassuuna piviusunnegortinneqarput. Tassuuna FATF-ip inassuteqaataata nr. 5-ip ilai aammattaaq piviusunnegortinneqarput.

Imm. 1-mi aalajangersagaq isumaqarpoq paasisutissat imm. 1-4-mi piumasarineqartut pissarsiarineqarsinnaangippata suliffeqarfiup inuulluunniit niuernikkut attaveqarneq pilersissanngikkaa imaluunniit attaveqarneq kipitissagaa, kiisalu aningaasanik nuussineq pasinartumik taassuminnga inatsisissat siunnersuummi § 7 tunngavigalugu nalunaarutiginninnissaq isumaliutersuutigissagaa, aamma tak. FATF-ip inassuteqaataa nr. 5. Aammattaaq aalajangersagaq taanna isumaqarpoq kinaassuseq isertullugu kontonik, aningaaserivimmi atuagaaqqanik imaluunniit aqqit salloqittaatit atorlugit kontonik pilersitsisoqassangitsoq, tak. aalajangersakkami artikel 6.

Aalajangersakkami artikel 3 (9) malillugu niuernikkut attaveqaatigiinneq tassaatinneqarpoq attaveqaatigiinneq niuernermut, inuussutissarsiornermut imaluunniit aningaasarsiornermut tunngasoq, inuussutissarsiorluni suliamut suliffeqarfiup inuulluunniit inatsimmi pineqartumut ilaatiineqartup sulineranut attuumassuteqartoq, taannalu piffissami attaveqatigiinnerup pilersinneqarnerata nalaani aalajangersimasumik sivilissuseqartussatut naatsorsuutigineqartoq. Taamaalilluni sullitamut tunngasoq aalajangersimasooq pineqarpoq, qaqutiguinnaq sullitakkat pinerisa paarlattuannik, tak. siunnersuummi § 13. Tassani ilaatigut sullitap aningaasaatai eqqarsaatigalugit kontonik toqqorsivinnillu ammaaneq ilaatigullu pissutsinik sullitamut tunngasunik pilersitsineq, sullitamut kiffartuussinerit ingerlaavartumik nalunaarsuiffiusussaq (soorlu kukkunersiunikkut ikiunneq, naatsorsuutitik naatsorsuserineq imaluunniit siunnersuineq) pineqarput.

Sukumiisumik misissuisoqarsinnaaqullugu aalajangersaaffigineqartut sullitaminnik ilisimasaqarnissaat pisariaqarpoq. Taamaattumik pissutsit sullitamut tunngasut ataasiakkaat paatsoorneqarsinnaanngitsumik suussusersineqarsinnaassapput, tak. aalajangersakkami tassani imm. 2 aamma 3. Suliffeqarfiit inuillu inatsimmi pineqartunut ilaatinneqartut pisussaapput sullitap kinaassusia qularnaassallugu, tamannalu uppersaasatit pisariaqartut aqutugalugit uppersaaserneqassaaq.

Suliffeqarfiit inuillu inatsimmi pineqartunut ilaatinneqartut pissutsinik sullitanut tunngasunik pasinartunik eqqumaffiginninnerat sakkortusiniarlugu aammattaq sullitamik aalajangersimasumik annertussusilimmik ilisimasaqarnissaat pisariaqarpoq, matumani sullitap siunertai niuermilu attaveqaqatigiinnerup annertussusiattut siunertarineqartoq ilangullugit eqqarsaatigalugit, tak. aalajangersakkami tassani imm. 4.

Inunnik *imm. 2* tunngavigalugu kinaassusiliineq tassaavoq sullitamik kinaassusersineq, sullitap aqqa, najugaqarfia aamma inuttut normua atorlugu kiisalu paasissutissanik taakkuninnga kinaassuseq pillugu uppersaasatit uppersassuseqartunik misissuinikkut. Taamaalluni aalajangersakkami artikel 7-imi oqaatigineqarpoq sullitap kinaassusianik misissuineq uppersaasatit, paasissutissallu assigiinngitsut aallaavinnit tatiginassuseqarluartunit pissarsiarineqartut aqutugalugit. Inuit Kalaallit Nunaanni Danmarkimilu najugaqavissuunngitsut eqqarsaatigalugit inuup normuanut taarsiullugu assersuutigalugu passip normua ulloq inuuffik sumilu inunngorneq pillugit paasissutissanik ilaqartillugit imaluunniit kinaassuseq pillugu normu paatsoorneqarsinnaanngitsoq paasissutissanik taakkuninnga ilaqartillugit atorneqarsinnaapput. Qanga sumilu inunngorsimaneq pillugit paasissutissat misissuinermut tunngasut pissutigalugit pisariaqartuupput.

Sullitap kinaassusiata naammattumik uppersarsarneqarnera pineqassappat uppersaasatit qanoq annertutigisut takutinneqassanersut tassaavoq pineqartumik naliliineq. Suliffeqarfiup inuulluunniit sullitamut niuernikkut attaveqarnermik pilersitsisup qularutigissanngilaa inuk pineqartoq taannaasoq. Kinaassutsimik uppersaasagaanni nammineq ornigunnissaq piunasaqaataanngilaaq. Nammineq orniguttoqanngippat kinaassutsimik uppersaasiiniarluni iliuutsit annertunerusut piunasaqaataasussaapput, tak. siunnersuummi § 15, imm. 2.

Imm. 7-imi aalajangersagaq sullitap kinaassusianik aarlerinarsinnaasunik naliliineq tunngavigalugu annikinnerusumik uppersaasiinissamut periarfissiigaluartoq ateq, imm. 7 tunngavigalugu najugaqarfik aamma inuttut normu pillugit paasissutissiinngivinnissamut imm. 2 tunngavigalugu periarfissaqarnaviannngilaaq.

Suliffeqarfimmik kinaassusiliineq *imm. 3-mi* aalajangersagaq tunngavigalugu tassaassaaq suliffeqarfiup aqqa, najugaqarfia, GER-normoqarsimappallu GER-normu atorlugu suliffeqarfimmik kinaassusiliineq kiisalu paasissutissanik taakkuninnga uppersaasatit uppersassuseqarluartut atorlugit misissuineq. Suliffeqarfik GER-normoqanngippat normu alla suliffeqarfiup kinaassuserneqarsinnaaneranut atorneqarsinnaasoq suliffeqarfiup paasissutissiissutigissavaa. Suliffeqarfiit Kalaallit Nunaanni anglerlarsimaffeqavissuunngitsut eqqarsaatigalugit kinaassutsimut uppersaasatit

taakkununga assingusut, soorlu nalunaarsuinermi normu sunaassuserneqarsinnaasoq, atorneqarsinnaapput. Suliffeqarfiup kinaassusiata naammattumik uppersarneqarnera pineqassappat uppersarsaatit qanoq annertutigisut takutinneqassanersut tassaavoq pineqartumik naliliineq, soorlu inuup kinaassusiata uppersarneqarnerani aamma taamaattoq.

Aammattaaq tamatuma nassataraa suliffeqarfiup piginnittoqarnermigut nakkutigineqarnermigullu ilusaa qulaajarneqassasoq. Tassa imaappoq sullitap inatsisilerinikkut ilusaa, nakkutilliisutut piginnittut, siulersuisut kiisalu piginneqataassuteqalartarneq pillugu malittarisassat pillugit paasissutissat pissarsiarinariarneqassasut, tak. FATF-ip inassuteqaataa nr. 5. Pineqartoq tassaavoq sullitap piginnittoqarnissakut imaluunniit nakkutilliinikkut ilusaa qulaajarniarlugu misissuinerneq qanoq sukumiitigisunik aallartitsisoqarnissaa eqqarsaatigalugu pineqartumik naliliineq. Aalajangersakkami taaguut ”suliniutit aarlerinarsinnaasunik tunngaveqartut aamma naleqquttumik iliuuseqarnerit” atorneqarpoq, tassalu imaappoq tassani suliffeqarfiup inuulluunniit sullitami pineqartumi aarlerinartunik naliliinera apeqqutaasoq.

Suliffeqarfiup piginnittui eqqarsaatigalugit suliffeqarfimmik piginnittuiit kinaassusersineqassapput kinaassusiallu uppersarneqassaluni. Suliffeqarfiup piginnittuiisa kikkunerannik paasissutissaq assigiinngitsunik iliuuseqarnikkut pissarsiarinariarneqarsinnaavoq. Aalajangersakkami isiginninnerup 10-p nassataraa kinaassusiliinissamik piumasaqaat piginnittuiit pillugit pisortat nalunaarsuiffii atorlugit imaluunniit sullitap paasissutissanik pisariaqartinneqartunik tunniusseqquneqarneratigut imaluunniit paasissutissat allatut iliornikkut pissarsiarinariarneqanerisigut eqqortissanerlugu suliffeqarfiit inuillu aalajangersakkami pineqartunut ilaatinneqartut namminneq aalajangissagaat. Kalaallit Nunaanni paasissutissanik suliffeqarfiup naatsorsuutai il.il. aqqutigalugit pissarsiarineq naleqqukkajuttartussaavoq, imaluunniit paasissutissanik suliffeqarfimmit tamanna pillugu tunniunneqartunik tunngaveqartartussaalluni.

Piginnittuusunik kinaassusiliineq inunnik sullitanik kinaassusiliinertut ingerlanneqartassa, tak. § 11, imm. 1 aamma 2. Imm. 2-mi pisutut aamma imm. 3-mi pineqarpoq pisumi naliliineq, tassani aalajangiisuusoq tassaalluni suliffeqarfik inuulluunniit pineqartoq suliffeqarfimmut niuernikkut attaveqarfiginninnermik pilersitsisoq qularuteqannginneroq suliffeqarfiup piginnittui naammattumik kinaassuserneqarsimasut.

Suliffeqarfiup piginnittuiinik kinaassusiliinissamik kinaassutsimillu uppersarsaasiinissamik imm. 3-mi piumasaqaat atuutsinnginneqarsinnaavoq, suliffeqarfik sullitaasoq tassaappat suliffeqarfik nammineq tassaasoq piginneqatigiiffik nakkutigineqartumik niuerfimmi nioqqutigineqarsinnaasoq, tak. § 17, imm. 1, nr. 2. Nakkutigineqartumik niuerfik § 3, imm. 1, nr. 3-mi nassuiarneqarpoq. Atuutsitsinnginnisamat tunngavilersuut tassaavoq ingerlatseqatigiit taakku piginnittaasa tamanut saqqummiunneqarsimanissaasa piumasaqaateqarfigineqarnerat. Atuutsitsinngitsoorneq FATF-ip inassuteqaataani nr. 5-imi nassuiaataasumik allakkiap nassatarivaa.

Imm. 4-mi aalajangersagaq aalajangersakkami artikel 8-mi (1) (c) piumasaqaat tunngavigineqarpoq, tassannгалu erserpoq pissutsimik sullitamut tunngasumik pilersitsinermut atatillugu niuernikkut attaveqaqatigiinnerup siunertaani annertussusissaatullu eqqarsaatigineqartut pillugit paasissutissanik pissarsiniartoqartassasoq. Tamatuma pissuseqataa atuuppoq sullitaq suliffeqarfimmut inummulluunniit isumaqatigiissumminik annertuutigut allannqortitsippat. Sullitap niuernikkut attaveqaqatigiinnerup siunertaa annertussusissaatullu eqqarsaatigineqartut pillugit paasissutissiissutai pissutsip sullitamut tunngasup aningaasanik peqquserluutaanik malunnarunnaarsaataaneraniq imaluunniit pinerliiniarnernut aningaasalersuinerusinnaanerata pineqarneranik inuup suliffeqarfiulluunniit nalilernerani ilaasinnaasussaapput.

Sullitamut attaveqarnerup siunertaa annertussusissaatullu eqqarsaatigineqartoq pillugit paasissutissat annertussusissaannik qanoq piumasaqaateqarnissaq tunisassiap il.il. qanoq pissuseqarnera aalajangiisuutillugu allannqorartussaavoq. Assersuutigalugu pensioneqarnissamut inuunermillu sillimmasiinerni siunertaq annertussusialu pensioneqarnissamut inuunermillu sillimmasiineq pillugu isumaqatigiissutini namminerni aalajangersarneqarsimassapput. Taamaattumik pisuni taamaattuni paasissutissanik amerlanerusunik pissarsiniarnissaq qaqutiguinnaq pisariaqartartussaavoq.

Imm. 5-imi aalajangersagaq aalajangersakkami artikel 8-mi (1) (d) piumasaqaammik tunngaveqarpoq, tassanilu piumasaqaataavoq sullitamut tunngasoq ingerlaavartumik nakkutigineqassasoq. Tassa imaappoq suliffeqarfiup inuulluunniit sullitap kontoani, sullitap imm. 4 tunngavigalugu paasissutissiissutigisaanut sanilliullugu aamma suliffeqarfik inuulluunniit sullitaq pillugu allatigut ilisimasaanut sanilliullugu aningaasanik nalinginnaanngitsumik nuussisoqartarnersoq il.il misissortassagaa. Suliffeqarfiup inuulluunniit sullitaq ingerlaavartumik nakkutigissallugu qanoq annertutigisumik pisariaqarnersoq imm. 7 tunngavigalugu nalilersinnaavaa.

Aammattaaq ingerlaavartumik nakkutiginninnermut ilaatillugu piumasaqaatigineqarsinnaavoq sullitaq pillugu uppernarsaatit paasissutissallu allat ingerlaavartumik nutarterneqartassasut.

Aalajangersakkami artikel 7 (d) *imm. 6-imi* aalajangersakkakkut piviusunnqortinneqarpoq, taannalu sullitamik ilisimasaqarnissap annertussusianik piumasaqaammut sullitaq pillugu paasissutissat ingerlaavartumik nutarterneqartarnissaannik nassataqartumut ataneqartillugu isiginiarneqassaaq.

Aalajangersakkami artikel 8 (2) *imm. 7-imi* aalajangersakkakkut piviusunnqortinneqarpoq, tassuunalu imm. 1-5-imi aarlerinarsinnaasunik naliliineq aallaavigalugu sullitamik ilisimasaqarnissamik piumasaqaatit sakkukinnerusut atorneqarnissaat periarfissaqalersinneqarpoq. Sullitamik ilisimasaqarnissamik piumasaqaammik sakkukinnerusumik atuisoqassanersoq aningaasanik peqquserluutinik malunnarunnaarsaanermik pinerliiniarnernillu aningaasalersuisinnaanermik sullitani, tunisassiani imaluunniit kiffartuussinerni sullitamut tunniunneqartuni ulorianarsinnaasut eqqarsaatigalugit pisumi aalajangiisoqartariaqarpoq.

Imm. 7-ip imm. 1-5-imi piumasagaatit sakkukillisillugit atorneqarnerisigut misissuinerup imm. 1-5-imut sanilliulluni annikinnerunera aningaasanik peqquserluutunik malunnarunnaarsaasinnaanermik pinerliiniarnernilluunniit aningaasalersuisinnaanermik aarlerinartunut sanilliulluni naammannera suliffeqarfiup inuulluunniit oqartussaasumut inatsisip malinneqarneranik nakkutilliisuusumut uppersassavaa. Aammattaaq imm. 7-ip atorneqarnerata imm. 1-5-imi piumasagaataasut eqqortinneqanngilluinnarnerat aamma nassatarissanngilaa, tak. imm. 2 pillugu oqaaseqaatit.

Imm. 1-5-imi piumasagaatit sakkukillisillugit atorneqarnerat tassaasinnaavoq sullitap kinaassusiata sakkukinnerusumik misissorneqarnera, tak. imm. 2 aamma 3, soorlu sullitap inuttut normuata nalunaarsorneqarnerinnaatigut, taannalu pillugu inunnik nalunaarsuiffimmut paasiniaanikkut, imaluunniit pissutsimik sullitamut tunngasumik ingerlaavartumik nakkutilliinerup sukumiisorujussuunngitsumik ingerlanneqarneratigut, tak. imm. 5. Aammattaaq aalajangersakkamut aallaqqaasiussami 11-mi oqaatigineqarpoq taarsigassarsinissamik isumaqatigiissutit taarsigassarsiat akilersorneqarnissaannaat siunertaralugu kontoqarfiusut, taarsigassarsianillu utertitsilluni akilersuinerup aningaaserivimmi aalajangersakkami pineqartunut ilaatinneqartumi kontokkut sullitap aqqa atorlugu pilersinneqarsimasukkut assersuutigalugu aningaasanik nuusseriaatsitut annikitsuinnarmik aarlerinaateqartutut isigineqatariaqartut.

Imm. 8-mi aalajangersakkakut piumasagaatigineqarpoq sullitap inatsisip matuma atortuulernera sioqqullugu pilersinneqarsimasut kinaassusii paasinianeqassasut taakkulu pillugit paasissutissat katersorneqassasut, tak. imm. 1-5. Aalajangersakkami artikel 9 (6) kiisalu FATF-ip inassuteqaataa nr. 5 piviusunngortinneqarput.

Sullitanik imm. 8-mi taaneqartunik kinaassusiliineq il.il. piffissami naleqquttumi aarlernartunillu naliliineq tunngavigalugu pissasoq tassani aalajangersarneqarpoq.

Aarlerinartunik naliliinermik oqarnek imatut paasineqassaaq tamanna imm. 7-imi piumasagaatit pissuseqataat tunngavigalugit pissasoq. Tassa imaappoq aningaasanik peqquserluutunik malunnarunnaarsaasinnaaneq pinerliiniarnernillu aningaasalersuisinnaaneq sullitap tunisassialluunniit ataasiakkaat eqqarsaatigalugit naliliiffigineqartassasoq. Aammattaaq aarlerinartunik naliliinermi sullitap pillugu ilisimasat suliffeqarfiup inuulluunniit sullitamik manna tikillugu ingerlatsinikkut pissarsiarineqarsimasut ilaatinneqarsinnaasut.

Aalajangersagaq aammattaaq periarfissiivoq, kinaassutsimik uppersaaneq piffissami naleqquttumi ingerlanneqarsinnaasoq. Piffissaq naleqquttoq tassaasinnaavoq sullitap suliffeqarfimmut inummulluunniit isumaqatigiissumminik annertuumik allannguiffia, taamaattumillu sullitamut attaveqarnermik allangortitsiviusoq. Taamaalilluni piffissami naleqquttumi kinaassusiliiniarsinnaaneq suliffeqarfimmut inummulluunniit sullitanik imm. 8-mi taaneqartunik kinaassusiliiniarnermik ingerlaavartumik ingerlatsinermut ilanngussinissamat periarfissiivoq, taamaalillutik inatsisissatut siunnersuummut

atatillugu aqutsinikkut nammagassat sapinngisamik annikinnerpaatinneqarsinnaaqullugit.

”Piffissami naleqquttumi” naliliineq aqutsinermi nammagassanut annertunerusunut suliffeqarfiit inuillu inatsimmi pineqartunut ilaatinneqartut nammagassariligassaannut annertunerusunut ataneqartillugu isiginiarneqassaaq.

Kontonik kinaassuseq isertuullugu pilersinneqarsimasunik imaluunniit kontonik piginitup aqqa atornagu allap aqqa atorlugu pilersinneqarsimasunik inatsisip atortuulersinneqarnera sioqqullugu pilersinneqarsimasunik kontonilluunniit taamaattunik suliffeqarfimmi peqarpat, piffissami naleqquttumi kinaassutsimik uppernarsaasoqassasoq il.il., aamma aarlerinarsinnaasunik naliliineq tunngavigalugu, tak. aalajangersakkami artikel 6-imi kontonik kinaassuseq isertuullugu pilersitsinissamik inerteqquteqarneq.

§ 27, imm. 6-ikkut aalajangersarneqarpoq Akileraaruserivik imm. 8-mi aalajangersagaq tunngavigalugu peqqusissuteqarsinnaasoq kinaassusilersuisoqassasoq aamma paasissutissat katersorneqassasut. Peqqusissut taanna malinneqanngippat inuk suliffeqarfillaunniit pillaammik akiliisitsinikkut pineqaatissinneqarsinnaavoq, tak. § 30, imm. 5.

§ 12 pillugu

§ 11-mi aamma § 13-imi kinaassusiliinermut piffissaliussaq inatsisissatut siunnersuummi § 12-ikkut aalajangersarneqarpoq. Aalajangersakkami artikel 9 (1) - (5) tassuuna piviusunngortinneqarpoq.

Imm. 1-imi oqaaseqatigiitsigut siullertigut aalajangersarneqarpoq kinaassusiliineq pissutsimik sullitamut tunngasumik pilersitsinermut atatillugu aallaavittut inaarneqarsimassasoq, taamaattorli kingusinnerpaamik pissalluni aningaasanik nuussinerup naammassineqannginnerani.

Taamaattorli pissutsit sullitamut tunngasut aalajangersimasut niuernermilu attaveqatigiinnernut atatillugu pisuni aalajangersimasuni pisoqarsinnaavoq kinaassusiliineq pissutsimik tunngasumik pilersitsinermut uiggiullugu naammassissallugu naammattussanik, tak. aalajangersakkami tassani imm. 1-imi oqaaseqatigiit aappaat. Aalajangersakkami *imm. 1-imi oqaaseqatigiit aappaat* allanneqarsimanermitorluinnaq paasineqassapput. Aalajangersagaq taanna assersuutigalugu pissutsimik sullitamut tunngasumik pilersitsinermut atatillugu atorneqarsinnaavoq, sullitaq nammineq najuutinngikkaluartoq. Pisuni taamaattuni kinaassusiliineq sullitap pilersitsinissaq siunertaralugu saaffiginninnerata kingornatigut sapinngisamik pilertornerpaamik inaarlugu naammassineqartariaqarpoq. Aammattaaq pissuseq sullitamut tunngasoq pineqarsinnaavoq, kinaassusiliinerup aningaasanik peqquserluutinik malunnaarunnaarsaasoqarsinnaaneramik pinerliiniarnernillu aningaasalersuisinnaanermik aarlerinartunik naliliineq aallaavigalugu illersorneqarsinnaasumik kinguartinneqarsinnaaffia. Pisunili tamani sullitaq

kinaassusiliineq naammassineqarsimatinnagu aningaasanik nuussitinneqassanngilaq. Tamatuma pissuseqataa aningaasanik ataasiaannartumik nuussinernut atuuppoq.

Imm. 2-mi aalajangersarneqarpoq kinaassusiliineq § 11, imm. 1-4 tunngavigalugit ingerlanneqarsinnaanngippat pissutsinik sullitamut tunngasunik pilersitsisoqassanngitsoq, niuernikkut attaveqaqatigiinnermik pilersitsoqassanngitsoq imaluunniit sullitaq aningaasanik nuussitinneqassanngitsoq. Taamaalilluni siunnersuummi § 11 aamma § 13 tassuuna erseqqissarneqarput. § 11, imm. 1-4-mi piunasaqaatit tunngavigalugit kinaassusiliineq naammattoq ingerlanneqarsinnaanngitsoq suliffeqarfimmuut inummulluunniit paasinarsippat pissutsimik sullitamut pilersitsineq suliffeqarfiup inuulluunniit unitsissavaa. Aningaasanik ataasiaannartumik nuussinerit eqqarsaatigalugit imm. 1-imi aalajangersakkap manna nassatarereerpaa, tassalu aningaasanik nuussineq naammattumik kinaassusileereertoqartinnagu ingerlanneqarsinnaanngitsoq.

Imm. 2-mi aalajangersagaq atuuppoq, paasissutissiinngiineq sullitap paasissutissanik tunniussiumannginneranik pissutsinilluunniit allanik pissuteqarnerisooq apeqqutaatinnagu. Aammattaaq imm. 2-mi erserpoq tamatumunnga peqatigitillugu misissorneqassasoq siunnersuummi § 7 tunngavigalugu nalunaarutiginnittoqassanersoq. Sullitaq nammineq tassaappat paasissutissanik § 11, imm. 1-4 tunngavigalugu piunaneqartunik tunniussiumanngitsoq tamanna ilimanarnerusinnaavoq. Taamaattorli tamanna sullitamik ataatsimut isiginninneq aamma pissutsit atuuttut aallaavigalugit naliliiffiqineqassaaq.

§ 13 pillugu

Aalajangersakkami artikel 7 (b) kiisalu FATF-ip kaammattuutaata nr. 5-ip ilai tassuuna piviusunngortinneqarput.

Taamaalillutik suliffeqarfiit inuillu aalajangersimasumik sullitaanngitsut aningaasanik ataasiaannartunik nuussineri siunnersuummi § 11-mi pineqartunut ilaatinneqanngitsut eqqarsaatigalugit kinaassusiliinissamik piunasaqaat aatsaat atuutissaaq aningaasanik nuussineq 100.000 kr.-nik taakkuluunniit sinnerlugit aningaasartaqarpat. Tamanna atuuppoq aningaasanik nuussinerup annikitsukkuutaarlugit aningaasanut nuussinernut katillutik 100.000 kr.-nik taakkunanngaluunniit amerlanerusunik aningaasartalinnut agguataarneqarsimanera apeqqutaatinnagu, nassiussisup pineqartup aningaasanik nuussisarnerminik siammaanermigut kinaassutsimik uppernarsaanngitsoornissaa pinngitsoortinniarlugu.

Aalajangersakkami tassani qaqutigunnaq sullinneqartartut pineqarnerupput. Tassa imaappoq sullitat niuernikkut aalajangersimasumik attaveqarfigineqartutut pissutsimilluunniit sullitamut tunngasumik aalajangersimasumik pilersitsivigineqarsimasutut isigineqarsinnaanngitsut pineqartut.

Imm. 2-mi aalajangersarneqarpoq sullitaq ataaseq aningaasanik arlaleriarluni nuussitinneqarpat, aningaasallu nuunneqartut amerlassusiat nuussinerup siulluup aallartinnerata nalaani ilisimaneqarsimanngippat § 11, imm 1-4 aamma § 12

tungavigalugit kinaassusiliisoqassasoq, aningaasanik nuussinerit katillutik 100.000 kr.-t sinnerlugit aningaasartaqarnissaat ilimatsaanneqarniariapat.

§ 14 pillugu

Aalajangersakkami tassani piumasaaqatigineqarpoq suliffeqarfiit inuillu inatsimmi pineqartunut ilaatinneqartut paasiniassagaat attaveqarfigisartik imminut sinnerluni imaluunniit inuk alla suliffeqarfilluunniit sinnerlugu iliuuseqarnerisq.

Inuit suliffeqarfiillu inatsimmi pineqartunut ilaatinneqartut tamatuma saniatigut peqquneqarput qulakkiissallugu imminnut pisussaaffilissasut, tassalu inuk pineqartoq alla sinnerlugu iliuuseqartoq taamaaliornissaminut ilumut piginnaatitaasoq. Siunnersuut piginnaatitsissuteqartarnermut tunngasuvoq, FATF-illu inassuteqaataanut naapertuulluni. Piginnaatinneqartoq tassaavoq alla sinnerlugu isumaqatigiissuteqarsinnaasoq, piginnaatitsisutip inatsiseqartitsinikkut isumaqatigiissummit pisussaaffilerneqarneranik sunniuteqartumik. Piginnaatinneqartoq piginnaatitsisup aqqa atorlugu taassumalu akisussaaffigisaanik iliuuseqartuuvoq. Suliffeqarfiit inuillu inatsimmi pineqartunut ilaatinneqartut piginnaatitsinerup pineqarneranik qulakkeerinninnissaannik piumasaaqatip arlaatigut uppersaammik saqqummiussisoqarnissaa nassataraa. Taamaalilluni piginnaatitsissut ”immikkut iluseqassaaq”, tassa imaappoq allakkatigut piginnaatitsissutaagajuttassaaq atorfimmulluunniit piginnaatitsissutaassalluni. Suliffeqarfiit inuillu inatsimmi pineqartunut ilaatinneqartut piginnaatitsissuteqarnermut uppersaatip qulakkeerneqarnissaa namminneq soqutigisaraat, inatsilerinikkut pisariaqanngitsumik aarlerinartorsiortinneqarsinnaanertik pinngitsoortinniarlugu. Tamanna tungavigalugu FAFT-llu killissaliussaasa eqqortinneqarnissaannik pisariaqartitsinermit ataneqartitsinermik isiginnilluni siunnersuutigineqarpoq piumasaaqatit sakkortusisat pissutsinut sullitanut tunngasunut aamma atuutissasut, ikaarsaariarnissamulli naleqquttumik piffissaliisoqassasoq – tassalu 1. januar 2011-p tungaanut – pissutsit inatsimmi piumasaaqataasut naapertorlugit aqqinnissaannut, pissutsit taamaattut aqqinneqareersimanngippata.

Imm. 2-kkut piumasaaqatigineqarpoq sullitarpiaasoq kinaassutsiminik uppersaasassasoq, sullitaq piginnaatitaasumit sinniisuuffigineqaraangat. Tamatuma saniatigut piginnaatitaasup kinaassusia aarlerinartunik naliliineq aallaavigalugu qulaajarneqartassaaq.

Imm. 3-mi siunnersuutigineqarpoq pisinnaatitaasup kinaassusiata qulaajarneqarnissaanik § 14, imm. 1-imi oqaaseqatigiit aappaanni piumasaaqat atuutissanngitsoq, alla sinnerlugu iliuuseqartoq suliffeqarfinnut § 17, imm. 1, nr-1-imi taaneqartunut ilaappat, imaluunniit pineqartoq eqqartuussissuserisuuppat, nunami maani nunamiluunniit § 17, imm. 1, nr. 1-imi nassuiaatigineqartutut sulinissaminut akuerisaasoq.

Inatsimmi § 17, imm. 1, nr. 1-ip suliffeqarfiit arlallit aqqisigut erseqqinnerusumik taaneqartut sullitatut kinaassutsiminnik uppersaasiinissaat atuutitinnigilaa.

Pineqartut tassaapput 1) suliffeqarfiit imaluunniit suliffeqarfik taakkua pissuseqataat § 1, imm. 1, nr. 1-imi aamma ilanngussami 1-imi nr. 1-10-mi taaneqartut, nunami Europami Naalagaaffiit Peqatigiit iluanniittumi angerlarsimaffeqartut, Naalagaaffiit Peqatigiit aningaasalersuinnermut tunngasuni aningaasanik peqquserluutiniq malunnarunnaarsaasarnermik akiuineq pillugu aalajangersakkat pingajuanni pineqartunut ilaatinneqartuni isumaqatigiissuteqarfigisimasaanni, imaluunniit suliffeqarfik taakkua pissuseqataat nunami Europami Naalagaaffiit Peqatigiit avataanniittut Naalagaaffiit Peqatigiit aningaasalersuinnermut tunngasuni isumaqatigiissuteqarfigisimannngisaanniittut, aningaasanik peqquserluutiniq malunnarunnaarsaasarneq aamma pinerliiniarnernik aningaasalersuineq akiorniarlugit piumasaqaatit aningaasanik peqquserluutiniq malunnarunnaarsaasarnermik akiuiniarneq pillugu aalajangersakkat pingajuanni piumasaqaatit pissuseqataasa ataanniittut piumasaqaatillu taakku malinneqarnerannik nakkutiginniffiusuniittut, 2) suliffeqarfiup pappiaraatai nakkutigineqartumik niuerfimmil nioqqutigineqartussatut ilanngunneqarsimasut, aamma 3) nunami namminermi pisortatut oqartussaasut. Tamatuma pissuseqataanik siunnersuutigineqarpoq pisinnaatitsissuteqarnermut tunngasut uppersaasarneqarnissaat piumasaqaatigineqassanngitsaq, inuk alla sinnerlugu iliuuseqartoq taaneqartuni pineqartunut ilaatinneqarpat. § 17, imm. 3 aamma 4 pisuni taakkunani tamatuma pissuseqataanik atorineqassapput.

Eqqartuussissuserisut sullitanut tunngasunik uppersaasiisannginnissaannik siunnersuut eqqartuussissuserisut Danmarkimi inatsiseqartitsinikkut ileqquusut malillugit eqqartuussissuserisutut sulissinissamut akuerineqarnertik tunngavigalugu sullitaq sinnerlugu iliuuseqarnissaminut akuerisaasimanerannik tunngavilersorneqarpoq, allakkatigut piginnaatitsissummik allatulluunniit uppersaasiussamik saqqummiussinissaq piumasaqaatiginnikkaluarlugu. Tamanna Danmarkimi eqqartuussisarneq pillugu inatsimmi § 265, imm. 2-mi ilaatigut piviusunngortinneqarsimavoq, tassami eqqartuussissuserisut sullitamit piginnaatitsissummik peqarnerat eqqartuussivinnit uppersaatinneqarneq ajormat. Tamatuma pissuseqataa atuuppoq ingerlatsineq pillugu inatsiseqartitsinnermi aalajangersimasumik periaasiusumi, tassalu eqqartuussissuserisut sullitaq sinnerlugu soorlu allagaatinik paasitinneqarnissamik qinnuteqaateqarunik piginnaatitsissummik takutitsineq ajorlutik. Taamaaliortoqarnerani eqqartuussissuserisup nunami maani imaluunniit nunami § 17, imm. 1, nr. 1-imi taaneqartumi sulinissaminut akuerisaasup pineqarnera naatsorsuutigineqartarpoq.

Eqqartuussissuserisut sullitanut tunngasut eqqarsaatigalugit uppersaasiinissamut piumasaqaammi *imm. 3*-mi ilaatinneqanngikkaluarput, kinaassutsimillu qulaajaasoqarnissaanik piumasaqaammi eqqortitsisussaallutik. Suliffeqarfiit inuillu inatsimmi pineqartunut ilaatinneqartut aarlerinartunik naliliineq tunngavigalugu piumasaqaateqartariaqarput eqqartuussissuserisoq kinaassutsiminik uppersaassasoq, taassuma sullitatut imaluunniit sullitamut eqqartuussissuserisutut iliuuseqarnera apeqqutaatinnagu.

Imm. 4-mi aalajangersarneqarpoq § 14, imm. 2-mi alla sinnerlugu iliuuseqartup kinaassusersineqarnissaanik piumasaqaat atuutissanngitsaq, pineqartoq § 17, imm. 1,

nr. 1-imi taaneqartunut ilaappat. § 14, imm. 3 pillugu oqaaseqaatit innersuussutigineqarput

§ 15

Aalajangersakkami artikel 13 aamma FATF-ip inassuteqaataani nr. 6 aamma 7 sullitap kinaassusilerneqarnissaanik sakkortusisamik piumasaqaatikkut piviusunnngortinneqarput. Sakkortusisamik piumasaqaatit pisuni § 17, imm. 1-imi aamma imm. 2-mi taaneqartuni atuutinngillat. Kinaassutsimik uppernarsaaniarluni suliniutit sakkortusisat suliniutigineqassapput aarlerinartumik naliliineq tunngavigalugu, aamma pisuni naleqquttunngortitsiniarnerup aamma pinerliiniarnernik aningaasalersuinerup annertunerusumik aarlerinarfiini, annikinnerpaamillu pisuni imm. 2-4-mi taaneqartuni.

Imm. 2 sullitap nammineerluni najuutinnginnerani eqqumaffiginninnerunissamut tunngasoq pisuni § 16-imi taaneqartuni atuutissanngilaq, soorlu pensionit inuunermillu sillimmasiineq pillugit isumaqatigiissutini.

Eqqumaffiginninneruneq assersuutigalugu kinaasutsimut ilassutaasumik uppernarsaatinik tigusaqarnikkut pissaaq. Kinaasutsimik uppernarsaaneq biilernermut allagartamik passimilluunniit takutitsinikkut pippat ilassutaasumik uppernarsaat tassaasinnaavoq napparsimalersinnaanermut sillimmasiinermut uppernarsaat. Uppernarsaatinik tunniunneqartunik misissuineq uppernarsaatit taakku imminnut sanilliunnerisigut pisinnaavoq, imaluunniit uppernarsaat suliffeqarfinit inunnilluunniit taaneqartunit uppernarsaasiunneqartoq pineqarpat uppernarsaatip taassuma allatigut uppernarsaaseqquneratigut pisinnaalluni. Sullitap aningaaserivimmi kinaassusersineqareersimanera nr. 3-mi piumasaqaatip qulakkeerpa.

Imm. 3-mi piumasaqaatigineqarpoq inunnik naalakkersuinikkut ulorianartorsiortunik nunani allani najugaqartunik sullissineq ingerlaqqissappat tamanna ulluinnarni aqutsisutut qullersaasunit akuerineqassasoq. Piumasaqaat sullitanut tunngasunut 1. april 2010 inatsisip atortuulertia sioqqullugu pilersinneqarsimasunut atuuppoq.

Aalajangersakkami artikel 13 (6) aamma FATF-ip inassuteqaataa nr. 8 *imm. 4*-mi piviusunnngortinneqarput. Suliffeqarfiit inatsimmi pineqartunut ilaatinneqartut aningaasanik peqquserluutinik malunnarunnaarsaasinnaaneq pinerliiniarnernillu aningaasalersuisinnaaneq tunisassiatigut nutaatigut takkussinnaasoq kinaassutsimillu isertuussinermik annertusisitsinnaasoq immikkut eqqumaffigissavaat. Tunisassiani nutaani tunisassiaq soorlu kinaassutsimik isertuussinerup annertusarneqarneranut atorniarneqarsinnaanersoq isumaliutersuutigineqartassaaq.

§ 16

Pisuni § 16-imi taaneqartuni aningaasanik peqquserluutinik malunarunnaarsaasinnaanerup pinerliiniarnernillu aningaasalersuisinnaanerup annikitsuunissaa ilimagineqarpoq. Taamaattumik pisuni taakkunani inatsisissatut siunnersuummi § 11-mi piunasaqaatit eqquutsinngitsoorneqarsinnaapput.

Aalajangersakkami artikel 11 (5) aamma (b) *imm. 1, nr. 1*-mi aamma *imm. 2*-mi piviusunngortinneqarput. Inuunermik sillimmasiisarfiit pensionisiaqartitsiviillu kinaassutsip uppernarsarneqarnissaanik piunasaqaateqarnissamut pisussaaffimmi ilaatinneqassanngillat, inuunermik sillimmasiineq pensionillu pillugit isumaqatigiissutit annikinnerpaaffiatigut (7.500 kr.-nik aamma 18.750 kr.-nik) aningaasartaqartut pineqarpata. Piffissakkaartumik akiliutit ukiup ataatsip ingerlanerani akiliutigineqartussanut qummut killissarititaasoq 7.500 kr. qanngerlugit qaffanneqassappata kinaassutsimik uppernarsaasiisoqarnissaa piunasaqaataavoq.

Inuunermik sillimmasiisarfiit pensionisiaqartitsinernullu karsit kinaassutimik uppernarsaasiinissamik piunasaqaateqarnermi tamatuma pissuseqataanik ilaatinneqanngillat, inuunermik sillimmasiineramik pensionisiaqarnissamillu isumaqatigiissutit utertitsilluni pisinissamut periarfissaqannginnerat pissutigalugu naleqquttunngortitsiniarnermut pinerliiniarnernillu aningaasalersuineranut atorneqarsinnaanngitsutut isigineqarpata, tak. inatsisip oqaasertai, imaluunniit isumaqatigiissut taarsigassarsinermi qularnaveeqqutitut atorneqarsinnaanngippat.

Aningaasat amerlassusiat apeqqutaatinnagu kinaassutsimik uppernarsaasiinissamik piunasaqaat atuuppoq, naapertuuttunngortitsiniartoqartoq imaluunniit pinerliiniarnernik aningaasalersuisoqartoq pasitsaanneqarpat.

Nr. 3-mi aalajangersarneqarpoq kinaassutsimik uppernarsaasiinissamik piunasaqaat eqqortinneqarsimasutut isigineqassasoq, paasineqarpat pensionisiaqalerniarluni katersisup akiliutai akilee qataassutaaluunniit konto pensionisiaqalerniarluni katersisup aqqa atorlugu ammarneqarsimasoq siunnersuummi § 11 naapertorlugu akilerneqartartut.

Nr. 4-mi aalajangersarneqarpoq inuunermik sillimmasiineq pensionisiaqarnissallu pillugit isumaqatigiissutit, suliaq pillugu isumaqatigiissut imaluunniit sillimmasersimasup inuussutissarsiutigalugu suliffeqarfianut isumaqatigiissutigineqartut utertitsilluni pisinissamut, soorlu nunamut allamut nuunnermi, killilimmik periarfissaqartut ilaatinneqassanngitsut, sullitap utertitsilluni pisinissamut periarfissaq atorpagu kinaassutsimik uppernarsaasiisoqarnissaa piunasaqaatigalugu.

Aalajangersakkami artikel 11 (5) *nr. 5*-imi piviusunngortinneqarpoq, tassanilu aningaasat qarasaasiakkoortut killissaliunneqartutut taaneqartut iluanni aalajangersakkami 2000/46/EF-imi nassuiarneqartut ilaatinneqanngillat.

Imm. 2-mi aalajangersakkap siunnersuummi § 10-mi pingaarnertut aallaavik uteqqippaa, tassalu kinaassutsimik uppernarsaasiisoqarnissaa piunasaqaatigineqassasoq, aningaasanik nuussineq aningaasanik peqquserluutinik

malunnarunnaarsaanermut pinerliiniarnernilluunniit aningaasalersuinernut siunnersuummi § 7-imi pineqartunut attuumassuteqartoq pasitsaanneqarpat.

Aalajangersagaq imatut isumaqarpoq, sullitap kinaassusianik uppernarsaanissamik § 16-imi piumasagaatit atorneqarsinnaanngitsut, suliffeqarfik inulluunniit pasitsaassippat aningaasanik nuussineq aningaasanik peqquserluutinik malunnarunnaarsaanermut pinerliiniarnernilluunniit aningaasalersuinermut nalunaarutiginnittussaataitanermi pineqartunut ilaatinneqartunut attuumassuteqartoq.

§ 17 pillugu

Aalajangersakkami artikel 11, aningaasanik peqquserluutinik malunnarunnaarsaasarnernik akiuineq pillugu aalajangersakkat aappaanni artikel 3-p (9) assinga tassuuna piviusunngortinneqarpoq, tassalu sullitaq tassaappat taarsigassarsisitsisarfiuppat aningaasalersuinermiluunniit aningaaseriviuppat § 11-mi kinaassutsimik uppernarsaasiinissamik piumasagaat atuutissanngitsoq. Taamatuttaaq qitiusumik aningaaseriviit ilaatinneqanngillat. Nunani allani taarsigassarsisitsisarfiit aningaasalersuinermilu aningaasaateqarfiit naapertuuttunngortitsiniartarnernik akiuineq pillugu aalajangersakkat pingajuanni piumasagaatigineqartut assinginik piumasagaateqarfigineqartut aamma ilaatiinneqanngillat. Taamaattorli piumasagaatit taakku malinneqarnerat nakkutigineqassasoq piumasagaataavoq. Suliffeqarfiit inuillu inatsimmi pineqartunut ilaatinneqartut nunami Europami Naalagaaffiit Peqatigiit aningaasalersuinermut tunngasut pillugit isumaqatigiissuteqarfigisimanngisaani aningaasanillu unioqqutitsinikkut pissarsiarineqarsimasunik inatsisinut aningaasanik peqquserluutinik malunnarunnaarsaasarnernup aamma pinerliiniarnernik aningaasalersuisarnernup akiorneqarnissaanik piumasagaatinik malinninnersoq, piumasagaatillu taakku malinneqarnerat nakkutigineqarnersoq namminneq naliliiffigissavaat.

Nuna pineqartunut ilaatinneqassanngitsoq Kommissioni aalajangersakkami artikel 40 (4) tunngavigalugu aalajangiippat paasissutissat suliffeqarfinit nunami tassani pilersinneqarsimasunit pissarsiarineqarsimasut kinaassutsimik uppernarsaasiinissamik piumasagaatip eqqortinneqarneranut tunngaviutinneqarsinnaanngillat.

Aningaasanik peqquserluutinik malunnarunnaarsaasarnernik akiuiniarneq pillugu aalajangersakkat pingajuanni artikel 40-p (4) nassataraa, Kommissioni aalajangiisinnaasoq nuna EU-p avataaniittoq sullitanik ilisimasaqarnissaq pillugu malittarisassanik naapertuuttunngortitsiniarnernik akiuiniarneq pillugu aalajangersakkat pingajuanniittut assinginik peqanngitsoq, aamma Aningaasanik peqquserluutinik malunnarunnaarsaasarnernik akiuiniarneq pillugu aalajangersakkat pingajuanni malinninnissaq pillugu malittarisassat malinneqarnerannik nakkutilliisoqanngitsoq. Nunap pineqartup tamanna eqqortinnigikkaa Kommissioni aalajangiippat kommissionip eqqortitsinngitsunik allattuiffik nunap pineqartup/nunat pineqartut ilaaffia tamanut saqqummiutissavaa.

Allattuiffik taamaallaat nunat naapertuuttunngortitsiniarnermik akiuiniarneq pillugu aalajangersakkat pingajuanni malittarisassat pissuseqataannik malittarisassaqaanngitsut malittarisassalluunniit taakku malinneqarnerannik nakkutilliinngitsut aqqinik imaqassaaq. Allattuiffik taanna sukumiissutut isigineqarsinnaanngilaq. Taamaalilluni nunat allattuiffimmi ilaanngitsut tamarmik aningaasanik peqquserluutinik malunnarunnaarsaasarnermik akiuiniarneq pillugu aalajangersakkat pingajuanni malittarisassat assinginik peqartut isumaqalersitsisinnaanngilaq.

Suliffeqarfiit pappiaraataat aningaasanik nalillit naalagaaffimmi ilaasortaasumi ataatsimi arlalinniluunniit nakkutigineqartumik niuerfimmi nioqqutigineqartussatut ilanngunneqarsimasut nunanilu allani suliffeqarfiit tamatuma pissuseqataannik paasissutissiinissamik piunasaqaateqarfigineqartut *nr. 2*-mi ilaatinneqaanngillat.

Aalajangersakkami taamaallaat nunami namminerme pisortani oqartussaasut ilaatinneqaanngillat, tak. *nr. 3*.

Imm. 2. Aalajangersakkamut aallaqqaasiummi *nr. 23*-mi erserpoq eqqartuussissuserisut kinaassusiat aningaaserivimmit kontoqarfiusumit uppersarneqartassasoq, sullitalu sullitat kontoanni aningaasaateqartup kinaassusia eqqartuussissuserisumik uppersarneqartassasoq. Sullitaq taamaalilluni tassaavoq kontomik piginnittuiusoq.

Imm. 3-mi aalajangersarneqarpoq sullitaq pineqartunut ilaatitsinnginnissami ilaatinneqarnerneq pillugu paasissutissanik tamatigut pissarsiniartoqartassasoq.

§ 18 pillugu

Aalajangersakkami artikel 12 tassuuna piviusunngortinneqarpoq, tassanilu aalajangersarneqarpoq Kommissiuni ataatsimiititaliap aalajangersakkami artikel 41 tunngavigalugu pilersinneqarsimasup aalajangiinera tunngavigalugu aalajangiisinnaasoq suliffeqarfiit inuillu inatsimmi matumani pineqartunut ilaatinneqartut § 18-imi taarsigassarsisitsisarfiit aningaasalersuinernilu aningaaseriviit imaluunniit suliffeqarfiit Bursenimi nalunaarsorneqarsimasut imaluunniit nunami allami immikkoortortat allat ilaatinneqaannginnissaannik aalajangersagaq atorsinnaanngikkaat, taakku naapertuuttunngortitsiniarnermik akiuiniarneq pillugu aalajangersakkat pingajuat tunngavigalugu piunasaqaatinik eqqortitsisimanngippata.

Nuna pineqartunut ilaatinneqassanngitsoq Kommissiuni aalajangersakkami artikel 40 (4) tunngavigalugu aalajangiippat paasissutissat suliffeqarfinit nunami tassani pilersinneqarsimasunit pissarsiarineqarsimasut kinaassutsimik uppersaasiinissamik piunasaqaatip eqqortinneqarneranut tunngaviutinneqarsinnaanngillat.

Aningaasanik peqquserluutinik malunnarunnaarsitsiniarnermik akiuiniarneq pillugu aalajangersakkat pingajuanni artikel 40-p (4) manna nassataraa, tassalu

Kommissioni aalajangiisinnaasoq nuna EU-p avataaniittoq sullitanik ilisimasaqarnissaq pillugu malittarisassanik Aningaasanik peqquserluutinik malunnarunnaarsitsiniarnermik akiuiniarneq pillugu aalajangersakkat pingajuanniittut assinginik peqanngitsoq, aamma Aningaasanik peqquserluutinik malunnarunnaarsitsiniarnermik akiuiniarneq pillugu aalajangersakkat pingajuanni malinninnissaq pillugu malittarisassat malinneqarnerannik nakkutilliisoqanngitsoq. Nunap pineqartup tamanna eqqortinngikkaa Kommissioni aalajangiippat kommissionip eqqortitsinngitsunik allattuiffik nunap pineqartup ilaaffia tamanut saqqummiutissavaa.

Allattuiffik taamaallaat nunat Aningaasanik peqquserluutinik malunnarunnaarsitsiniarnermik akiuiniarneq pillugu aalajangersakkat pingajuanni malittarisassat pissuseqataannik malittarisassaqaanngitsut malittarisassalluunniit taakku malinneqarnerannik nakkutilliinngitsut aqqinik imaqaassaaq. Allattuiffimmit killormoortuanik isummerneqarsinnaanngilaq. Taamaalilluni nunat allattuiffimmi ilaanngitsut tamarmik Aningaasanik peqquserluutinik malunnarunnaarsitsiniarnermik akiuiniarneq pillugu aalajangersakkat pingajuanni malittarisassat assinginik peqartut isumaqalersitsisinnaanngilaq.

§ 19 pillugu

Aalajangerakkami artikel 30 kiisalu FATF-ip inassuteqaataa nr 10 tassuuna piviusunngortinneqarput.

Misissuinissamut periarfissat uppernarsaatillu qularnaatsuunissaat eqqarsaatigalugu *imm. 1*-imi siunnersuutigineqarpoq kinaassuseq aamma aningaasanik nuussinerit pillugit paasissutissat sullitamut tunngasut atorunnaarnerisa aningaasanillu nuussinerup naammassineqarnerata kingornatigut sivikinnerpaamik ukiuni tallimani toqqortarineqartassasut.

Uppernarsaatit nalunaarsuinerillu tamaasa toqqortarineqartarnissaat pisariaqanngilaq. Paasissutissat aalajangersimasumik pingaarutillit, soorlu uppernarsaatit, oqarasuaatikkut oqaloqatigiinnerit suliassiissuteqarnermut tunngasut pillugit allakkiat kiisalu kontot pillugit takussutissiat kisimik toqqortarineqartariaqarput. Taarsigassarsiniarneq pillugu isumaqatigiissut pineqarpat assersuutigalugu taarsigassarsisitsinermut uppernarsaat taarsigassarsiat utertillugit akilerneqarnerisa kingornatigut sivikinnerpaamik ukiuni tallimani toqqortarineqassaaq.

Aammattaaq piumasaaqatigineqarpoq inuit normuinik, aqqinik il.il. qarasaasiakkut nalunaarsugaareersut mikrofilminilu toqqortarineqareersut ingerlateqqinneqassasut, taamatuttaarlu suliffeqarfik inulluunniit pineqartoq tassaasariaqarani paasissutissanik toqqortarinnoq.

Suliffeqarfiup inuulluunniit kinaassuseq pillugu uppernarsaatit – soorlu passi biilersinnaanermulluunniit allagartaq – sullitap takutissimasai assilisimappagit assilisat taakku sullitap kinaassusianik uppernarsaatitut suliffeqarfiup inuulluunniit

toqqortarisinnaavai. Tamanna atuuppoq uppernarsaatit taakku siunnersuummi §§ 11 aamma 13 tunngavigalugit assilineqarsimappata.

Imm. 2-mi paasissutissat ataatsimoortillugit nanineqarsinnaasunngorlugit toqqortarineqarnissaannik ilanngussa q imatut paasineqassaaq, aningaasanik nuussineq sullitap kinaassusianik uppernarsaasiinermut atatillugu nassaarineqarsinnaassasoq, pilertortumillu misissuisinnaanerup isiginiarneqarneranik tunngavilersorneqarsimalluni. Taamaalilluni suliffeqarfiit inuillu inatsimmi pineqartunut ilaatinneqartut inunnik aqqisigiut taaneqartunik sullissinerminnik ingerlatsiinnarnernut paasissutisseeqqusilluni apeqquteqaatinut pilertortumik akissuteqarsinnaanerata pingaartuuvoq. *Imm. 3-mi* erseqqissarneqarpoq kinaassutsit pillugit paasissutissat suliffeqarfiup atorunnaarnerata kingornatigut imm. 1 aamma 2 naapertorlugit toqqortarineqassasut. Assersuutigalugu sullitap ilaannaannik nuussineq pineqarpat suliffeqarfik inulluunniit sullitanik taakkuninnga tiguisoq tassaassaaq toqqortorarininnissamut pisussaaffeqartoq. Aningaaserivimmi taarsigassarsiaritinneqartunik tunniussinerup, sillimmasiisarfimmi sullitanik tunniussinerup imaluunniit aqutsisup il.il allanngornerata manna nassataraa, tassalu suliffeqarfiup inuulluunniit tiguisisup kinaassutsit pillugit paasissutissanik imm. 1 aamma 2 naapertorlugit toqqortarininnermut akisussaalerana.

§ 20 pillugu

Aalajangerakkami artikel 31 (1) aamma (3) kiisalu FATF-ip inassuteqaataa nr. 22 tassuuna piviusunngortinneqarput.

Imm. 1-mi aalajangersakkap nassataraa suliffeqarfiit § 1, imm, 1, nr. 1-2-mi pineqartunut ilaatiinneqartut qulakkiissagaat immikkoortorta qarfirmmik suliffeqarfeqqallu suliffeqarfimmut atasut nunani Europami Naalagaaffiit Peqatigiit avataanni Naalagaaffiit Peqatigiit aningaasalersuinerup tunngasut pillugit isumaqatigiissuteqarfiginngisaanniittut sullitap kinassusiinik uppernarsaasersuineq kinaassutsillu il.il. pillugit paasissutissanik toqqortarinnettarnaq eqqarsaatigalugu iliuutsinik aningaasanik unioqqutitsinikkut pissarsianik inatsisinut aningaasanik peqquserluutinik malunnarunnaarsitsiniarnermik akiuiniarneq pillugu aalajangersakkat pinngajuanni aalajangersakkanut naapertuuttunik iliuuseqarnissaat. Aalajangersagaq taanna pingaartumik nunani FATF-ip inassuteqaataanik naammattumik naammassinnissimanngitsuni immikkoortorta qarfirmmik suliffeqarqanillu suliffeqarfimmut atasunik pilersitsisarnerup tunngasuuvoq.

Imm. 2-mi aalajangersarneqarpoq suliffeqarfiup nunami Europami Naalagaaffiit Peqatigiit aningaasalersuinerup tunngasut pillugit isumaqatigiissuteqarfisimanngisaanniittumi immikkoortorta qarfirmmik suliffeqarfeqqamilluunniit suliffeqarfimmut atasumik pilersitsisup oqartussaasoq inatsisip malinneqarneranik nakkutiginnittuusoq nalunaarfigissagaa, suliniutit aningaasanik peqquserluutinik malunnarunnaarsitsiniarnermik akiuineq pillugu aalajangersakkat pingajuannut naapertuuttut atornerarnerat nunap taassuma akuerinngippagu. Oqartussaasumut inatsisip malinneqarneranik

nakkutiginnittuusumut nalunaarutiginninneq Kommissionip aalajangersagaani artikel 31 (2) naapertorlugu ingerlateqqillugu tunniunneqassaaq.

Suliffeqarfiup pisuni taakkunani immikkoortortaqarfimmi imaluunniit suliffeqarfeeqqami suliffeqarfimmut atasumi aningaasanik peqquserluutinik malunnarunnaarsitsiniartarnerup pinerliiniarnernillu aningaasalersuisinnaanerup allatut iliornikkut akiorneqarnissaa aammattaaq qulakkiissavaa.

Aalajangersakkami artikel 34 (2) *imm.* 3-mi piviusunnngortinneqarpoq, tassanilu aalajangersarneqarluni suliffeqarfiit *imm.* 1-imi taaneqartut immikkoortortaqarfimmik suliffeqarfeeqqalluunniit suliffeqarfimmut atasut Europami Naalagaaffiit Peqatigiit avataanni Naalagaaffiit Peqatigiit aningaasalersuinermut tunngasuni isumaqatigiissuteqarfigisimanngisaanni pilersinneqarsimasut sullitat kinaassusiinik uppersaasarneq nalunaarsukkanillu toqqortarinnittarneq pillugit allaganngorlugit malittarisassanik § 21, *imm.* 1-imi piumasaqaatinut naapertuuttunik peqarnissaat isumagissagaat, tamaaliorneq nunami inatsisitigut akuerineqarsimappat. Allakkatigoortitsinissamik piumasaqaat eqqortinneqarsimasutut isigineqassaaq tunaartarisassat qarasaasiakkut toqqortarineqarpata. § 22 pillugu oqaaseqaatit innersuussutigineqarput.

Kapitali 5 pillugu

§ 21 pillugu

Aalajangersakkat tassuuna inatsip siunertaata eqqortinneqarnissaanik piumasaqaatit suut inatsisiliortut tungaanniit piumasaqaatigineqarneranni pingaarnertut tunaartarisassat erseqqissarneqarput. Suliffeqarfiit namminneq iluminni malittarisassaasa pisortanit akuerineqartarnerannik aqqissuussinerup atulersinneqarnissaa pisariartinneqartutut isigineqanngilaq.

Aalajangersakkami artikel 34 (1) aamma artikel 35-mi (1) immikkoortut 1 aamma 2 *imm.* 1-mi piviusunnngortinneqarput. Siunnersuummi aningaasanik nuussinerit aningaasanik peqquserluutinik malunnarunnaarsitsiniarnernut pinerliiniarnernillu aningaasalersuineranut attuumassuteqartut ingerlanneqarnissaasa pinaveersaartinneqarnissaat pinngitsoortinneqarnissaallu siunertaralugu suliffeqarfiit peqquneqarput namminneq iluminni atugassanik toqqissisimanartunik nakkutilleeriaaseq attaveqatigeeriaaserlu pillugit malittarisassanik aalajangersaaqqullugit, matumani malittarisassat sullitap kinaassusiata eqqortup ilisimaneqarnissaa, suliffeqarfiit aningaasanik nuussinernik pasinartunik misissuisarnissaannik kiisalu politiinut nalunaarutiginninnermi periaatsimik qulakkeerisut ilanngullugit eqqarsaatigalugit. Nammineq ilumi malittarisassat sullitat aamma/imaluunniit tunisassiat sorliit aarlernartorsiortitsinnginnerunerannik aarlerinartorsiortitsinerannilluunnit tamatumunngalu tunngavilersuutinik aamma imaqarsinnaapput. Allakkatigoortitsinissamik piumasaqaat tunaartarisassat qarasaasiakkut toqqortarineqarpata eqqortinneqarsimasutut isigineqassapput.

Suliffeqarfiit aammattaaq peqquneqarput ilinniartitsinernik ingerlatsinerit, sulisut toqqissisimanartumik nakkutilliinermi nalunaarutiginnittarnermilu suliniutinik naammattumik ilitserorneqartarnissaannik, matumani aamma pisortasut ilanngullugit eqqarsaatigalugit, qulakkeerissutit suliareqqullugit. Tamanna suliffeqarfimmi namminermi ilitseruiniarluni akuttunngitsumik ataatsimeeqatigiittarnertigut imaluunniit suliffeqarfiup ilinniartitsinernik ingerlatsineranut ilaatillugu pisinnaavoq. Tamatumani siunertaasoq tassaavoq atorfeqartitaasut ingerlatanik, aningaasanik peqquserluutinik malunnarunnaarsitsiniartunut pinerliiniarnernillu aningaasalersuisunut attuumassuteqarsinnaasunik ilisarinninnissaminnut pitsaanerusumik ilisarinnissinnaalersinniarlugit, aamma pisuni taamaattuni qanoq iliuuseqartarnissaannik ilitserorniarlugit.

Imm. 1-imi erserpoq suliffeqarfimmi namminermi malittarisassat allakkatigoortut naammattumik annertussuseqassasut. Tamanna imatut paasineqassaaq suliffeqarfiit aalajangersimasumik ilusillit eqqarsaatigalugit sullitat aarlerinartorsiortitsinnginnerusut aamma tunisassiat aarlerinartorsiortitsinnginnerusut pineqartut, taamaattumillu piumasaqaatit aarlerinarsinnaasunik isiginninneq aallaavigalugu nalilersorneqarsinnaasut. Suliffeqarfimmi namminermi malittarisassat allakkatigoortuunissaannik piumasaqaateqarnermi suliffeqarfiup angissusia aamma apeqqutaasussaavoq.

Imm. 2-mi suliffeqarfiit anginerusut eqqarsaatigalugit pisortasut nakutilliinerat imatut paasineqarpoq suliffeqarfiit ataasiakkaat inummik pisortasut akornanni toqqaassasut, soorlu pisortap tullianik imaluunniit inatsisilerinermut immikkoortotami pisortasumik, suliffeqarfiup inatsimmik malinninneranik qulakkeerisussamik. Suliffeqarfiit mikinerusut eqqarsaatigalugit pisortasunik oqarnermi suliffeqarfimmi pisortaatigiit eqqarsaatigineqarput. Tamanna FATF-ip inassuteqaataani nr. 15-imi nassuiaataasumik allakkiamik piviusunngortitsineruvoq.

Suliffeqarfimmi pisortat akornanni toqqaagaasup sullitat pillugit paasissutissanik paasissutissanillu allanik suliamut attuumassuteqartunik pissarsisinnaatitaaneq *imm. 3-mi* qulakkeerreqassaaq.

Imm. 4-mi aalajangersakkami artikel 35-mi (1) immikkoortut 1 aamma 2 piviusunngortinneqarput. Suliffeqarfiup ilinniartitsinernik ingerlatsinikkut atorfeqartitaasut aningaasanik peqquserluutinik malunnarunnaarsitsiniarnermik akiuineq eqqarsaatigalugu pisussaaffinnik ilisimasaqarnerat ilaatigut qulakkiissavaa, matumani kinaassutsimik uppersaanissamik piumasaqaatit ilanngullugit eqqarsaatigalugit, aningaasanillu nuussinerit pasinartut eqqumaffigissallugit. Tamanna qanoq iliorluni qulakkeerreqassanersoq immikkut piumasaqaatigineqanngilaq. Suliffeqarfiit anginerusut eqqarsaatigalugit atuartitsinerpiamik piareersaaneq qanikkajuttartussaavoq. Suliffeqarfiit arlallit pineqartunut ilaatinneqartut tassaasussaapput suliffeqarfiit ataasiinnarmik sulisoqartut suliffeqarfiilluunniit mikinerusut, atorfeqartitaasut ilisimatinneqarneranni allamik periaaseqarfigineqarnermikkut suliffeqarfimmut pissusissamisoortumik atasumik ilisimatinneqarfiusinnaasut.

Aalajangersakkami artikel 35-mi (1) immikkoortut pinguat *imm.* 5-mi piviusunngortinneqarpoq, tassuunalu aamma erseqqissarneqarluni atorfeqartitaanermut tunngasuni sulisitsisoq – taanna aamma inatsisilerinermi immikkoortutut inissisimappat – tamatigit tassaasoq pisussaaffinnik taakkuninnga isumaginnittussa.

Imm. 6-mi aalajangersarneqarpoq piumasaqaatit *imm.* 1-imi taaneqartut eqqarsaatigalugit suleriaasissanut pingaernerusutigut tunaartarisassat erseqqinnerusut Akileraaruseriffiup aalajangersarsinnaagai. Malittarisassat taamaallaat sammisanut pingaarnernut tunngasinnaapput, taakkunanilu taamaallaat immikkuualuttunik iluarsineqarsinnaanani.

Kapitali 6 pillugu

§ 22 pillugu

Aalajangersakkami artikel 26 tassuuna piviusunngortinneqarpoq.

Aalajangersakkami erserpoq akisussaatitsinnginneq ”piffissamut uninngatitsiviusumut” sivikinnerusumut siunnersuummut § 7, *imm.* 4 tunngavigalugu nalunaarutiginninnermut atatillugu pineqarsinnaasumut nalunaarutiginninnermit pissarsiat pineqartut arsaarinnissutigineqarnissaannik tunniunneqarnissaannilluunniit aalajangiinerup tungaanut ingerlasumut aamma atuuttoq. Tamanna Siunnersuisooqatigiit inunnut immikkoortunullu aalajangersimasunut Usama bin Ladenimut, Al-Qaidamut aamma Talibanimut attuumassuteqartunut sakkortuumik iliuutsit aalajangersimasut atulersinneqarnissaat pillugu peqqussutaanni (EF) nr. 881/2002-mi aamma Siunnersuisooqatigiit Afghanistanimut nioqqtissanik kiffartuussinernillu aalajangersimasunik eqqusseqqusinnginnerup, timmisartumik qulaavaanissami inerteqquteqarnerup aamma Afghanistanimi Talibanimut aningaasanik aningaasatigullu atugassiisutunik allanik uninngatitsinissap atorunnaarsinneqarnissaat pillugu peqqussutaanni (EF) nr. 467/2001-imi uninngatitsisarnermik aalajangersaanermut naapertuuppoq.

§ 23 pillugu

Aalajangersakkami artikel 28 (1) tassuuna piviusunngortinneqarpoq.

Aalajangersakkakkut tassuuna suliffeqarfii inuillu inatsimmi pineqartunut ilaatinneqartut, suliffeqarfinni taakkunani pisortaasut atorfeqartitaasullu, inuit, kukkunersiuisut allallu suliffeqarfimmu inummulluunniit immikkut sullissisartut nipangiussisimasussaatinneqarput.

Aalajangersakkami ”kukkunersiuisut” taaneqarput, suliffeqarfinnut immikkut sullissisartut sullissisimasunullu allanut assersuutitut.

Nipangiussisimasussaataitanermi paasissutissat makku pineqarput:

- siunnersuut § 7 tunngavigalugu nalunaarutiginnittoqarsimanera pillugu paasissutissat
- taamatut nalunaarutiginnittoqarnissaata isumaliutersuutigineqarnera pillugu paasissutissat
- aningaasanik peqquserluutunik malunnarunnaarsitsiniarneq pinerliiniarnernilluunniit aningaasalersuineq pineqarnersoq misissuineramik aallartitsisoqarsimanera aallartitsisoqarniarneraluunniit pillugu paasissutissat.

Paasissutissat taakku kisimik nipangiussisimasussaataitanermi ilaatinneqarput. Suliffeqarfik suliffeqarfimmi allami atorfeqartitaasoq aningaasanik sullissivimmit peqquserluutigineqartunik naapertuuttunngortitsiniartoq pasitsaassippat aalajangersagaq taanna suliffeqarfiup siullertut taaneqartup suliffeqarfimmut kingullertut taanertumut taamatut pasitsaassineq pillugu paasissutissiisinnaaneranut akornutaanngilaq. Tamanna pinerluuteqarniarnermik nalinginnaasumik pinaveersaartitsinermut ilaatillugu pisinnaavoq. Suliffeqarfiulli siullertut taaneqartup suliffeqarfik kingullertut taaneqartoq siunnersuummi § 7 tunngavigalugu nalunaarutiginnittoqarsimaneranik paasissutississinnaasussaannngilaa. Taamaattorli suliffeqarfiit nipangiussisimasussaataitanermik aalajangersakkat inatsit alla, soorlu aningaasalersuisarnermik suliaqarnermik inatsit, tunngavigalugu atuuttut nalunaarutiginninnermut atatillugu malissavaat.

Imm. 2-mi aalajangersarneqarpoq paasissutissat oqartussaasunut suliniaqatigiiffinnullu inatsisip malinneqarneranik nakkutiginnittunut ingerlateqqillugit tunniunneqarsinnaasut. Taanna aalajangersakkami artikel 28-mut (2) naapertuuppoq.

Imm. 3-mi aalajangersarneqarpoq paasissutissat suliffeqarfimmut aalajangersakkami 2002/87/EF-imi artikel 2-mi (12) nassuiarneqarsimasutut ittunut ingerlateqqillugit tunniunneqarsinnaasut. Aalajangersakkami artikel 28 (3) tassuuna piviusunngortinneqarpoq. Aalajangersagaq 2002/87/EF tassaavoq taarsigassarsisitsisarfinnik, sillimmasiisarfinnik aningaasalersuisarfinnillu ilassutaasumik nakkutilliineq aamma aalajangersakkat 73/239/EUF-ip, 79/267/EUF-ip, 92/49/EUF-ip, 92/96/EUF-ip, 93/6/EUF-ip aamma 93/22/EUF-ip kiisalu aalajangersakkat 89/78/EF-ip aamma 2000/12/EF-ip allanngortinneqarnerat pillugu aalajangersagaq. Aalajangersakkami tassani ataatsimoortut nassuiarneqarput tassaasut suliffeqarfiit ataatsimoortut, tassalu qitiusumik suliffeqarfik suliffeqarfeerarlut tassunga atasoq kiisalu qitiusumi suliffeqarfiup suliffeqarfeeqqallu tassunga atasut aningaasatigut soqutigisaat, taakkualu saniatigut suliffeqarfiit aalajangersakkami 83/349/EUF-imi artikel 12-imi (1) taaneqartutut akunnerminni attaveqatigiittut.

Aqutsisoqatigiiffiit aalajangersakkami pineqartunut ilaatinneqarput, tak. aalajangersakkami 83/349/EUF-imi artikel 12 (1) (b).

Aalajangersakkami artikel 28 (5) *imm.* 6-mi piviusunnngortinneqarpoq. Tassuuna aalajangersarneqarpoq paasissutissat suliffeqarfiit inuillu aalajangersakkami tassani pineqartut akornanni paarlaassuteqarfiusinnaasut, aalajangersakkami piumasaqaatit tamarmik eqqortinneqarsimappata.

Siullertut piumasaqaataavoq paasissutissat suliffeqarfimmut inummulluunniit paasissutissanik tiguisisumi tunniussisumilu sullinneqartunut tunngasuussasut, paasissutissallu aningaasanik nuussinermut paasissutissanik tiguisisumik nassiussisumillu akuliutitsisumut tunngasuussasut. Tulliullugu piumasaqaatigineqarpoq paasissutissanik tiguisoq tunniussisorlu assigiimmik suliaqartuussasut, aamma paasissutissanik tiguisoq tunniussisorlu nipangiussisimasussaataaneq paasissutissanillu inunnut tunngasunik illersuineq eqqarsaatigalugit assigiinnik piumasaqaateqarfigineqarsimassasut. Kiisalu piumasaqaataavoq paasissutissat paarlaassuteqatigiiffinneqartut taamaallaat aningaasanik peqquserluutinik malunnarunnaarsitsiniarnerup pinerliiniarnernillu aningaasalersuinerup pinaveersaartinneqarnerannut atorneqassasut.

Imm. 5-imi erserpoq paasissutissat suliffeqarfimmut nunami Europami Naalagaaffiit Peqatigiit avataanniittumut Naalagaaffiit Peqatigiit aningaasalersuinermut tunngasuni isumaqatigiissuteqarfigisimanngisaanniittumut *imm.* 3-4 tunngavigalugit ingerlateqqillugit tunniunneqarpata piumasaqaatasoq suliffeqarfik taanna aningaasanik peqquserluutinik malunnarunnaarsaasarneq pinerliiniarnernillu aningaasalersuineq akiorniarlugit piumasaqaataasunik, aningaasanik peqquserluutinik malunnarunnaarsitsiniarnermik akiuineq pillugu aalajangersakkat pingajuanni piumasaqaataasut assinginiq piumasaqaateqarfigineqarsimassasoq.

§ 24 pillugu

Aalajangersakkami artikel 28 (7) tassuuna atulersinneqarpoq. Aalajangersakkami erserpoq Akileraaruseriffiup naalagaaffiit ilaasortaasut Kommissionilu suliat nunap Europami Naalagaaffiit Peqatigiit avataanniittut Naalagaaffiit Peqatigiit aningaasalersuinermut tunngasuni isumaqatigiissuteqarfigisimanngissaata, aningaasanik unioqqutitsinikkut pissarsianik inatsisinut aningaasanik peqquserluutinik malunnarunnaarsitsiniarnermik pinerliiniarnernullu aningaasalersuinermik akiuineq pillugu piumasaqaateqarpat piumasaqaatinik aningaasanik unioqqutitsinikkut pissarsianik inatsisinut aningaasanik peqquserluutinik malunnarunnaarsitsiniarnermik akiuiniarneq pillugu aalajangersakkat pingajuanni pissuseqataannik, piumasaqaatillu taakku malinneqarnerat nakkutigineqarpat.

Aalajangersagaq taanna § 23-mi aalajangersakkamut ataneqarpoq. Paasissutissanik suliffeqarfimmut inummulluunniit nunami Europami Naalagaaffiit Peqatigiit avataanniittumut Naalagaaffiit Peqatigiit aningaasalersuinermut tunngasuni isumaqatigiissuteqarfigisimanngisaanniittumut § 23 tunngavigalugu ingerlatitseqqilluni tunniussisoqassappat isummerfigineqassasoq nuna taanna piumasaqaatinik aningaasanik peqquserluutinik malunnarunnaarsitsiniarnermik pinerliiniarnernillu akiuinermi aningaasanik unioqqutitsinikkut pissarsianik

inatsisinut aningaasanik peqquserluutinik malunnarunnaarsitsiniarnermik akiuiniarneq pillugu aalajangersakkat pingajuanni piumasaqaatit pissuseqataannik piumasaqaateqarnerseq aamma piumasaqaatit taakku malinneqarnerat nakkutigineqarnerseq. Aalajangersagaq taanna nunat allat aningaasanik peqquserluutinik malunnarunnaarsaasarneq pinerliiniarnernillu aningaasalersuineq pillugit aalajangersakkat eqqarsaatigalugit Naalagaaffiit Peqatigiit iluanni naliliinermi ataatsimoortumik periaaseqalernermut tapersiissaaq.

§ 25 pillugu

Aalajangersakkami artikel 29 tassuuna piviusunnngortinneqarpoq. Aalajangersakkap taassuma nassataraa suliffeqarfiit inuillu inatsimmi pineqartunut ilaatinneqartut paasissutissanik nunanut allanut ingerlatitseqqinnissaminnut § 23 tunngavigalugu mattunneqarsinnaasut. Taamaaliortoqassappat Kommissionip aalajangersakkami artikel 40 (4) tunngavigalugu tamanna pillugu aalajangiisimanissaa piumasaqaataavoq.

Kapitali 7 pillugu

§ 26 pillugu

Ulloq 28. juni 2001 Siunnersuisooqatigiit (ECOFIN-ip) salloqittaatinik aningaasaliortarnermik akiuiniarluni euro illersorniarlugu iliuitsit pisariaqartut pillugit peqqussut nr. 1338/2001 kiisalu peqqussut 1339/2001 peqqussummik 1338/2001-imik annertusisitsisoq nunanut EU-mut ilaasortaasunut euro pillugu suleqatigiinnerup avataanniittunut, matumani Danmark ilanngullugu eqqarsaatigalugu, aamma atortuulersitsisut akuera.

Peqqussummi 1338/2001-imi artikel 6 (1) ilaatigut imaqarpoq taarsigassarsitsitsisarfiit aningaaseriviillu allat sulinerminnut ilaatillugu aningaasanik pappiaranik aggorsimasunillu passussinermi inuiaqatigiinni kaaviiartitsisarnermut peqataasut, matumani suliffeqarfiit inuillu aningaasanik pappiaqqanik aggorsimasunillu nunat allat aningaasaannut assigiinngitsunut taarsiisarnermik suliaqartut ilanngullugit eqqarsaatigalugit, aningaasanik pappiaqqanik aggorsimasunillu kaaviiartunik salloqittaataarnerannik ilisimasaqarluni ilimasunnissamulluunniit naammattumik tunngavissaqarfigisaqarlutik tamanik unitsitsinissaannut pisussaaffiliineq. Aningaasat taamaattut nunani pineqartuni oqartussaasunut pisinnaatitaasunut ingerlaannartumik tunniunneqartassapput.

Peqqussummi tamatuma saniatigut artikel 6-ip (2) aningaaseriiviit pineqartut aalajangersagaq tunngavigalugu pisussaaffimminnik eqqortitsinngitsut pisariaqartunik iliuseqarfigineqarnissaat qulakkeerniarlugu nalagaaffiit ilaasortaasut iliuseqarnissaannik pisussaaffiliinermik, pineqaatissiissutinillu sunniuteqarluartunik, unioqqutitsinermut naapertuuttunik

taamaalioqqinnginnissamillu sunniuteqartunik pineqaatissiisoqarsinnaaneramik imaqarpoq.

Aningaasanik salloqittaatinik kaaviaarunnaarsitsinissamut pisussaaffimmik unioqqutitsineq pinerluttulerineq pillugu inatsimmi aningaasat pillugit peqquserluuteqartarnek pillugu § 60-mi aalajangersakkamik unioqqutitsinertut isigineqartariaqarpoq.

Aningaasanilli pappiaqqanik aggorsimasunillu salloqittaataasutut ilimagissallugit naammattunik nunami pineqartumi oqartussaasunut pisinnaatitaasunut ingerlaannaq tunniussinissamut pisussaaffeqarnek Kalaallit Nunaanni inatsiseqartitsinermi ilaangilaq. Naleqquttutut isigineqarpoq aningaasanik pappiaqqanik aggorsimasunillu salloqittaatigineqartutut ilimatsaanneqartunik politiinut ingerlaannaq tunniussinissamut pisussaaffeqarnermi euro piinnarnagu aammali nunat allat aningaasaat suulluunniit, matumani qallunaat koruuniat ilanngullugu ilaatinneqarpata. Taamaattumik inatsisissatut siunnersuut taarsigassarsisisarfii il.il. aningaasanik taamaattunik kaaviiartunik tigusisarnissaat politiinullu tunniussisarnissaat pillugu aalajangersakkamik kiisalu ingerlatitseqqilluni tunniussinissamik pisussaaffeqarnermik unioqqutitsinerit pillaammik akiliisitsinikkut pineqaatissiisutigineqartarnissaat pillugu aalajangersakkamik imaqarpoq.

Nalunaarutiginninneq politeeqarfimmut sumulluunniit tunniunneqarsinnaavoq. Misissueqqissaarnerup ingerlaqqinnissaa siunertaralugu Rigspoltechefimut ingerlatitseqqilluni nassiussinissaq politiit isumagissavaat.

Kapitali 8 pillugu

§ 27 pillugu

Inatsisip malittarisassallu inatsit tunngavigalugu aalajangersarneqarsimasut malinneqarnerat Akileraaruseriffiup isumagissavaa, tak. siunnersuummi § 27, imm. 1.

Suliffeqarfinnik inunnillu inatsimmi pineqartunut ilaatinneqartunik nakkutilliisoqarsinnaajumalluni siunnersuutigineqarpoq suliffeqarfiit inuillu taakku Akileraaruseriffimmi nalunaarsorneqassasut, tak. *imm. 2.*

Suliffeqarfiup siulersuisuisa suliffeqarfiulluunniit piginnittuisa peqqusersuitsuunissaannik piunasaqaateqartoqarnissaa *imm. 3*-mi qulakkeerneqassaaq, inuit suliffeqarfiillu pineqartut assersuutigalugu aningaasanik siusinnerusukkut peqquserluuteqartuusimannginnissaat qulakkeerniarlugu. Aqutsinermi ilaasortani siulersuisunut ilaasortat, taakku sinniisissaat, piginnittuiit kiisalu direkturit ilaatinneqarput.

Siunertaasoq tassaavoq aningaasanik unioqqutitsilluni pissarsianik inatsisinut suliffeqarfimmi naapertuuttunngortitsiniarsinnaanerup aningaasanillu taamaattunik pinerliiniarnernut aningaasalersuisinnaanerup annikinnerpaaffissaatitsiniarneq.

Pinerluttulerineq pillugu inatsimmi § 164, imm. 3-mut aalajangersakkami innersuussinerup nassataraa Akileraaruseriffiup suliamut pisinnaatitaaffiaanermut tunngasumut atatillugu eqqartuussiviit naliliinerattut naliliinissaa. Innersuussineq tamatuma saniatigut ima isumaqarpoq inuk aalajangersakkami piumasaqaatinik eqqortitsinngitsoq Akileraaruseriffik naliliippat, taava pineqartoq pinerluttulerineq pillugu inatsimmi § 164, imm. 3-mi pisinnaatitaaffiit assinginik pisinnaatitaaffilerneqassasoq. Tamatuma ilaatigut manna nassataraa, tassalu itigartinneqartup qinnuteqarneratigut, imaluunniit Akileraaruseriviup qinnuteqarneratigut pisinnaatitaaffiaanermik apeqquq unnerluussisuusutut oqartussaasup eqqartuussivimmut suliassanngortissagaa.

Imm. 4. Imm. 4-tut siunnersuutigineqartoq Akileraaruseriffiup inummik suliffeqarfimmilluunni nalunaarsorneqarsimasumik nalunaarsuiffimmit § 30, imm. 2 tunngavigalugu peersinnissaanut periarfissaqalersitsivoq, inuk, siulersuisunut ilaasortaq piginnittuusulluunniit Akileraaruseriffimmi nalunaarsorneqarsimasut pissutsit pineqaatissiissutaasinnaasut pillugit eqqartuunneqarpata, pisimasorlu atorfirmik suliffimmilluunniit atornerluisoqaratarsinnaaneramik ilimaginninnissamut tunngavissaqalersitsippat, tak. imm. 3-tut siunnersuutigineqartoq. Nalunaarsuiffimmit peersitsinissamut inatsisikkut tunngavissap inuit suliffeqarfiilluunniit siulersuisui piginnittuiilluunniit peqqusersuitsuunissamik piumasaqaatinik eqqortitsinngitsut nalunaarsuiffimmit peerneqarsinnaanerak qulakkeersinnaasussaavaa.

Aalajangersagaq taanna pisuni suliffeqarfiup imm. 2 tunngavigalugu nalunaarsorneqarfigisimasaani tamatumalu kingornatigut suliffeqarfimmi nalunaarsorneqartumi tassani siulersuisunut ilaasortat piginnittuiilluunniit akornanni allanngortoqarfiusuni atorneqassaaq. Aalajangersagaq taanna tamatuma saniatigut atorneqassaaq inuk suliffeqarfiilluunniit imm. 2 tunngavigalugu nalunaarsorneqarsimappat, tamatumalu kingornatigut paasinarsippat tamanna kukkuneramik tunngaveqartoq, inuup siulersuisunut ilaasortaasup piginnittuiilluunniit ilaasa imm. 2-mi taaneqartut piumasaqaatinik imm. 3-mi eqqortitsinnginnerat pissutigalugu.

Inuit imm. 2 tunngavigalugu nalunaarsorneqarsimasut imaluunniit siulersuisunut ilaasortat imaluunniit suliffeqarfiup piginnittuii imm. 2 tunngavigalugu nalunaarsorneqarsimasut suliffeqarfiup inuulluunniit akileraaruseriffimmi nalunaarsorneqarsimanerata nalaani pinerluttulerineq pillugu inatsimmik imaluunniit inatsimmik allamik, matumani aningaasalersuisarneq pillugu inatsit ilanngullugu eqqarsaatigalugu, pinerluuteqarsimallutik unioqqutitsisimasutut eqqartuussivikkut suliassanngortinneqarpata pinerluttulerinermik suliap suliarineqarnerani pineqartoq ingerlatamik ingerlatsisinnaatitaanermik arsaarneqassasoq piumasaqaatigineqarsinnaavoq.

Pinerluttulerinermik sulianik ingerlatseriaatsip aamma inatsiseqartitsinikkut innarlitsaaliuinissami isiginiagassat manna ajornartinngilaat, tassalu suliap pinerluttulerinernut suliarineqarnerani inuk suliffeqarfilluunniit imm. 2 tunngavigalugu nalunaarsorneqarsimasoq suli nalunaarsorneqarsimassanersoq ajornangippat inaarutaasumik aalajangiivigineqassasoq. Taamaalilluni inaarutaasumik aalajangiineq suliame pinerluttulerinermut tunngasumi pisinnaavoq.

Tassa imaappoq Akileraaruseriffiup inuk suliffeqarfilluunniit pisoq pineqaatissiissutigineqarsinnaasoq pissutigalugu nalunaarsuiffimmit peersinnaanngikkaa, eqqartuussiviit pinerluttulerinermik suliap suliarineqarnerani pineqartoq nalunaarsorneqarsimaannarsinnaanngitsoq aalajangiisimangippata. Tamassuma nassataraa, suliap pinerluttulerinermut tunngasup suliarineqarnerani pisinnaatitaaffiaanissaq/nalunaarsuiffimmit peersitsinissaq piunasaqaatigineqangippat Akileraaruseriffik tamatuma kingornatigut nalunaarsuineq peerneqassasoq inerniliisinnaanngitsoq.

Imm. 5-imi erserpoq suliffeqarfiit inuillu paasissutissanik nakkutilliinermut pisariaqartunik Akileraaruseriffimmut tunniussissasut. Aalajangersakkami artikel 37 (2) tassuuna piviusunngortinneqarpoq. Akileraaruseriffik pinngitsaaliiniitutit pillammik akiliisussanngortitsisinnaavoq, tak. siunnersuummi § 30, imm. 4.

Akileraaruseriffik suliffeqarfinnut inunnullu nakkutigisaminut eqqartuussivik aalajangiinnikkaluartoq isersinnaatitaavoq, tak. aalajangersakkami *imm. 6*. Aalajangersakkami artikel 37 (3) tassuuna piviusunngortinneqarpoq, tassanilu piunasaqaatigineqarpoq oqartussaasut pisinnaatitaasut ilaatigut taarsigassarsisitsisarfiit aamma aningaasalersuinermi aningaaseriviit eqqarsaatigalugit nakkutilliinermi annertusisamik piginnaatitaasut, pingaartumik sumiiffinnik pineqartunik nakkutilliinermut atatillugu misissuinerit eqqarsaatigalugit.

Imm. 7-imi erserpoq Akileraaruseriffiup aningaasanik peqquserluutininik malunnaarunnaarsitsiniarnermik akiuineq pillugu inatsimmi aalajangersakkanik, malittarisassanik inatsit taanna tunngavigalugu aalajangersarneqarsimasunik aamma aningaasanik nuussisoqarnerani akiliisoq pillugu paasissutissat ilanngullugit nassiunneqartussat pillugit Inatsiartut inatsisaannik unioqutitsisoqartillugu suliffeqarfiit inuillu inatsimmi pineqartunut ilaatinneqartut nakkutilliisup piffissaliussatut aalajangersagaata iluani suliniutit pisariaqartut suliniutigeqqullugit peqqusinnaagai.

§ 28 pillugu

Siunnersuummi artikel 35 (3) tassuuna piviusunngortinneqarpoq.

Siunnersuut suliffeqarfinnut inunnullu aningaasanik peqquserluutininik malunnaarunnaarsitsiniartoqarneranik pasitsaassinermik inatsit tunngavigalugu nalunaarutiginnissimasunut ilisimatitsissuteqartarnermut immikkut tunngasuuvoq. Ilisimatitsissuteqarneq politiinut paasissutissiineruvoq, unnerluutiginnertullu

pissuseqarani. Tassa ilaatigut imaappoq malittarisassat nalunaarutiginnittunut ilisimatitsinernut atuuttut atorpeqassanngitsut.

Imm. 1-mi aalajangersarneqarpoq Aningaasanik Peqquserluutinik Malunnarunnaarsaasarnermut Allattoqarfik nalunaarutiginnittumut qaqugukkut suullu pillugit ilisimatitsissuteqarsinnaanersoq.

Suliami killiffik pillugu ilisimatitsissuteqarsinnaaneq pisariaqartinneqartoq naliliisoqarpat, assersuutigalugu unnerluutiginnittoqarsimasoq, paasissutissaq suliami ingerlasumi ilanngunneqartoq imaluunniit misissuineq unitsinneqarallarsimasoq, suliarli unitsinneqarsimanngitsoq.

Naak pissutsimik sullitamut tunngasumik naliliinermi unnerluutiginninneq pillugu paasissutissanik immikkoortualunnik pissarsineq pisut ilaanni pingaaruteqarsinnaagaluartoq, naliliisoqarpoq tamanna ataatsimut isigaluni tamatuma ilisimatitsissuteqarnermi nalinginnaasumik ilaatilernissaa pisariaqanngitsoq. Pasineqartup unnerluutigineqartulluunniit mianerineqarnissaa taama annertutigisumik ilisimatitsissuteqarnissamut akerliuvoq. Taamaattumik taamatut immikkuualuttunik ilisimatitsissuteqartarneq qaqutigoorluinnartuusariaqarpoq, pisut annikkitsuaraannaat pineqartillugit atorpeqarsinnaasoq, imaluunniit pinerluuteqarneq pineqartoq aningaaserivinnut il.il. pinerluuteqarnermut tunngasuuppat. Pisut taakkua avataanni naliliisoqarpoq ikiaroorartunik pinerluuteqarneq imaluunniit aningaasanik pinerluuteqarneq imaluunniit pinerluuteqarneq alla pasilliutigineqarnermoq ilisimatitsissutigissallugu naammattoq.

Minnerunngitsumik suliffeqarfimmi namminermi ilinniartitsineq eqqarsaatigalugu pisuni aalajangersimasuni eqqartuussutit imaata aningaasanik peqquserluutinik malunnarunnaarsitsiniarnermut tunngasut pillugit paasissutissiilluartaunera pissutigalugu inaarutaasumik aalajangiineq pillugu ilisimatitsissuteqarnissamut periarfissaqarneq naleqquttuusaaq.

Uiggiut ”-sinnaavoq” atorlugu oqartoqarnera apeqqutaatinnagu aalajangersakkami eqqarsaatigineqartoq tassaavoq aalajangersakkat tunngavissaliineratigut sapinngisamik ilisimatitsissuteqartoqartassasoq. Naliliineq illua'tungaani inuup ilisimatitsissutigineqarnertup mianerineqarnissaanik illua'tungaani ilisimatitsisup ilisimatitsissuteqarnissamik pisariaqartitsineranik oqimaalutaanermik tunngaveqassaaq. Oqimaalutaanermi ilisimatitsissuteqartoq nipangiussisimasussaataitanersoq pineqartorlu eqqarsaatigalugu sullitamut tunngasorpimik ingerlataqarnermoq ilanngullugit isiginiarneqassapput, taamatuttaarlu ilisimatitsissuteqartoq ileqqorissaarneq pillugu immikkut malittarisassanik malitassaqarnermoq ilanngullugu isiginiarneqarsinnaalluni. Aamma ilisimatitsissuteqartoqarsinnaavoq naliliisoqarpat tamanna ilisimatitsissuteqartumut pinerluuteqarnermik pinaveersaartitsisinnaasoq unitsitsisinnaasorluunniit. Taamaalilluni immikkut ilisimatitsissuteqarneq pingaartumik aningaasalersuinermut tunngasuni inuussutissarsiutinilu allani nipangiussisussaataffaarsuni ileqqorissaarnissamillu piumasaqaateqarfiusuni soqutiginaateqarsinnaavoq, suliaasaqarfinnili allani immikkuualuttuligaanngitsumik assersuutigalugu

anigaasanik peqquserluutunik malunnarunnaarsitsiniarneq pillugu nalunaarutiginninnernik aalajangiinernillu ilisimatitsissuteqarneq annertuutigut naammattartussaavoq.

Aatsaat ilisimatitsissuteqartoqarsinnaavoq tamanna misissuinermut akornusiisinnaanngitsoq qularnaatsumik takuneqarsinnaappat. Malittarisassat nipangiussisussaatsissutit suunerat suliffeqarfiillu inatsimmi pineqartunut ilaatinneqartut qanoq amerlatigisut nipangiussimasussaataanerat apeqqutaatinnagu misissuinerit ilaannut arlalinnut atuuppoq piffissami misissuiffiusumi paasissutissat ingerlateqqillugit tunniunneqarnissaat pisariaqartutut isigineqartut kisimik ilisimatitsissutigineqartassasut. Ilisimatitsissuteqarneq piffissami taamaattumi pisariaqanngilaq, suliffeqarfinnulluunniit annertuumik nipangiussisimasussaataanermik sungiussisimasunut. Aammattaaq paasissutissat pissutigalugit sullitamut tunngasup atorunnaarsinneqarnerinnaanera aamma ajornartorsiutaasinnaavoq, tamannalu sullitap misissuinermik pineqartumik eqqumaffiginnilerneranik aamma nassataqarsinnaalluni. Ilisimatitsissuteqarnermi sullitamut tunngasoq atorunnaarsinneqassanngitsoq peqqussutigineqarsinnaangilaq.

Allanik pisoqarsinnaanera aamma eqqarsaatigineqarsinnaavoq, ilisimatitsissuteqartoqarnissap aatsaat kingusinnerusukkut pinissaanik aalajangiiffiusunik.

Eqqartuussisoqarsimanera pillugu ilisimatitsissutip oqaasertalersorneqarnera suliami pineqartumi tamatuma qanoq iliuuseqarluni pinissaanik toqqaanissamut periarfissiisinnaavoq. Taamatut toqqaanermi isumaliutersuutinut ilaasinnaavoq paasissutissat inummut tunngasut illersorneqarneranni isumannaallisaaneq qanoq qaffasitsiginersoq suliffeqarfimmi pineqartumi nalinginnaasumik atuuttuunersoq.

Ilisimatitsissut siunnersuut malillugu ”nalunaarutiginnittumut” ingerlatinneqassaaq. Taaguut taanna tamatigoortumik paasineqassaaq, tassami pisortani inuk ataaseq tassaagajuttarmat suliffeqarfimmi sulisut paasissutissiisutaat tunngavigalugit nalunaarutiginnittoq. Taaguummi ”nalunaarutiginnittoq”-mi inuit nalunaarutiginninnerup pileriartornerani aqqusaarneqarsimasut tamarmik pineqarput.

Imm. 2-mi aalajangersagaq ilanngunneqarpoq atuisinnaanerup killissalernerneqarsimanerata anigaasanik peqquserluutunik malunnarunnaarsitsiniarnermik akiuiniarneq pillugu inatsimmik ilisimasaqartussanit ilisimaneqarnissaa qulakkeerniarlugu, tamanna pinerluttulerineq pillugu inatsimmi § 95-ip ilaatigut – pissutsit inummut allamut namminermut tunngasut pillugit nalunaarutunik pissutissaqarani ingerlatitseqqilluni tunniussinermut tunngasup – nassatarineraa apeqqutaatinnagu.

Paasissutissat suussusiat pissutigalugu aallaavik tassaassaaq ingerlatitseqqilluni tunniussineq sunaluunniit pissutissaqanngitsoq.

Taamaattorli paasissutissat pineqartut inuk kina pineqarnersoq ilisarnarunnaarsillugu suliffeqarfimmi ilinniartitsinermut atatillugu tamanut ingerlateqqillugit tunniunneqarsinnaapput.

Kapitali 10 pillugu

§ 29 pillugu

Inuussutissarsiornermut Suliffeqarnermullu Naalakkersuisoqarfimmut naammagittaalliuuteqarnissamut periarfissaq ilanngunneqassasoq siunnersuutigineqarpoq. Aalajangersakkami tassani aalajangiinerit Akileraaruseriffimmi inatsit manna malittarisassalluunniit inatsit tunngavigalugu aalajangersarneqarsimasut tunngavigalugit pisimasut kisimik ilaatinneqarput.

Inuussutissarsiornermut Suliffeqarnermullu Naalakkersuisoqarfiup aalajangiineri eqqartuussivinnut suliaassanngortinneqarsinnaapput.

Kapitali 11 pillugu

§ 30 pillugu

Aalajangersagaq taanna atorneqarsinnaassapput pineqartup iliuutsinut iliuuseqanngitsoornernulluunniit aalajangersakkat sakkortunerusut tunngavigalugit, soorlu pinerluttulerineq pillugu inatsimmi § 111, tillitanik pisinermut tunngasut, imaluunniit pinerluttulerineq pillugu inatsimmi § 30, imm. 1, nr. 3 pinerliiniarnernik aningaasalersuineri ikiuunnermut tunngasoq, pineqaatissinneqarsinnaannginnissaa piumasagaataavoq.

Aalajangersakkami *imm. 1*-imi erserpoq inatsimmi aalajangersakkanik annikitsumik mianersuaalliuinnarluni unioqqutitsinerit pineqaatissiissutigineqarsinnaanngitsut, aningaasanik peqquserluutinik malunnarunnaarsitsiniarnernik akiuineq pillugu massakut inatsimmi pisarnerup paarlattuanik.

§ 2-mik, § 6, imm. 2-mik, § 7, imm. 1-imi oqaaseqatigiit aappaannik, imm. 2-mik aamma imm. 3-mi oqaaseqatigiinnik siullernik, § 10-mik, § 11, imm. 1-6-imik, § 12, imm. 1-imi oqaasetigiinnik siullernik oqaaseqaatigiillu pingajuinik, imm. 2-mik aamma imm. 3-mi oqaaseqatigiit aappaannik, § 13-imik, § 14, imm. 1-imi oqaaseqatigiinnik siullernik, § 14, imm. 2-mik, § 15, imm. 1-imik, imm. 2-mi oqaaseqatigiinnik siullernik aamma imm. 3-6-imik, § 19, imm. 1-imi oqaaseqatigiinnik siullernik, imm. 2-mik aamma imm. 3-mi oqaaseqatigiinnik siullernik, § 20-mik, § 21, imm. 1-4-mik, § 23, immi. 1-imik, § 26-mi oqaaseqatigiit aappaannik kiisalu § 27, imm. 2-mik aamma imm. 5-imik piaaraluni mianersuaalliorujussuarluniluunniit unioqqutitsinerit pillaammik akiliisitsinikkut pineqaatissiissutigineqassapput. § 28, imm. 2-mik piaaraluni mianersuaalliorujussuarluniluunniit unioqqutitsineq pillaammik akiliisitsinikkut pineqaatissiissutigineqassaaq. Tamatuma pissuseqataa § 28, imm. 2-mi, ilisimatitsissuteqarneq pillugu nipangiussisimasussaataanerit tunngasumik,

unioqqutitsineq eqqarsaatigalugu atuuppoq, pinerluttulerineq pillugu inatsimmi malittarisassat tunngavigalugit sakkortunerusumik pineqaatissiisoqassanngippat.

Imm. 2-mi siunnersuutigineqarpoq nalunaarutiginnittussaataaneq, kinaassusiliineq aamma kinaassuseq aningaasanillu nuussinerit pillugit paasissutissanik toqqortarinnittarneq pillugit malittarisassanik piaaraluni kusanaatsorujussuarmik annertuumillu unioqqutitsinerit qaammatit arfinillit angullugit parnaarusinermik pineqaatissiissutigineqarsinnaassasut. Aalajangersakkamik atuineq pingaartumik pisuni tillitanik pisineq pillugu eqqartuussisoqarsinnaanngiffiusuni, inatsisimmili aalajangersakkanik malinninngitsoorfusoqattaarsimasuni atorineqarsinnaavoq, assersuutigalugu sullitat kinaassuseq pillugu (amerlanertigut) uppersaasiisoqartarsimannginnerani, imaluunniit sullitat aningaasanilluunniit nuussinerit pillugit paasissutissat (amerlanertigut) toqqortarineqartarsimannginneranni. Aammattaaq aalajangersagaq atorsinnaassaaq, aningaasanik amerlasuunik nuussinermi kinaassuseq pillugu paasissutissat piumaneqarsimanngippata/toqqortarineqarsimanngippata.

Aalajangersakkamik nalunaarutiginninngitsoortoqarnerani atuineq pisuni pineqartup nalunaarutiginnittussaataanermi atuuttoqarneranik ilisimasaqarneranik qularnaatsumik paasissutissiissutigineqartuni, Aningaasanik peqquserluutinik malunnarunnaarsitsiniartoqarneranik pinerliiniarnernilluunniit aningaasalersuisoqarneranik pasitsaassineq ilumoortuungitsoq uppersarneqanngitsoq aningaasanik nuussinerup ingerlanneqarneratigut iluanaaruteqarnissaq pissutigalugu nalunaarutiginnittoqarfiusimanngitsuni pisinnaavoq.

Assersuutigalugu taaneqarsinnaavoq nunat allat aningaasaannut taarsiivik, aningaasanik peqquserluutinik malunnarunnaarsitsiniarnermik akiuineq pillugu inatsimmi piunasaqaatit ilisimagaluarlugit aningaasanik amerlanerusunik nuussinermi kinaassutsimut uppersaaseeqqusisimanngitsoq, imaluunniit aningaasanik nuussinermi suliffeqarfik aningaasanik nuussinerup kina sinnerlugu isumagineqarneranik paasissutissanik toqqortarinninngitsoq, imaluunniit aningaasanik amerlanerusunik nuussisoq, naak atorfeqartitaasoq tunngaveqarluartumik pasitsaassigaluartoq tassani pinerliiniarnernik aningaasaliineq pineqartoq, tamatuminngalu Aningaasanik Peqquserluutinik Malunnarunaarsaasarnermut Allattoqarfimmut nalunaarutiginninngitsoq. Pinerluttulerineq pillugu inatsimmi tillitanik tigusineq imaluunniit pinerliiniarnernik aningaasalersuineq pillugu aaliangersakkanik unioqqutitsinerimut akisussaaffiup killissaqarfii erseqqarluttuusussaapput.

Taamaalilluni aalajangersagaq taanna pinerluttulerineq pillugu inatsimmi § 111-mut tillitanik pisinermut tunngasumut imaluunniit pinerluttulerineq pillugu inatsimmi § 30, imm. 1, nr. 3-mut pinerliiniarnernik aningaasalersuinerimut akiuinerimut ilassutitut inissisimalissaaq.

Aalajangersakkami *imm. 3* aalajangersakkani malittarisassanik unioqqutitsinerit pillammik akiliisitsinikkut inatsit tunngavigalugu pineqaatissiissutigineqarsinnaanissaannut inatsisikkut tunngavissamik imaqarpoq.

Imm. 4-mi erserpoq Akileraaruseriffiup inuk, suliffeqarfik inuilluunniit suliffeqarfimmut akisussaasut pinngitsaaliiniutitut pillaammik akiliisussanngortissinnaagai, inuk suliffeqarfilluunniit paasissutissanik inatsisip malittarisassalluunniit inatsit tunngavigalugu aalajangersarneqarsimasut malinneqarnerannik nakkutilliinermi atugassanik tunniussingippata.

Imm. 5-ikkut aalajangersarneqarpoq inuk suliffeqarfilluunniit § 27, imm. 7 tunngavigalugu peqqussutigineqartunik malinninngitsoq pillaammik akilliisitsinikkut pineqaatissinneqassasoq.